


觀音經

唯

風陵文庫  
文庫 19  
F 399  
41  
早稲田大学図書館



咸豐丙辰年新鐫

觀音濟度不願量經

板存雲邑廣賢齋

無上甚深微妙法百千萬劫難遭遇  
我今見聞得受持願解如來真實義



觀音夢受經

南無觀世音菩薩。南無佛。南無法。南無僧。與佛有因。與佛有緣。佛法相因。常樂我淨。朝念觀世音。暮念觀世音。念念從心起。念佛不離身。天羅神地羅神人離難。難離身。一切災殃化為塵。摩訶般若波羅蜜。

後附齋期

正月	初八	月	四	廿二	月	七	十三	月	廿	初二
二月	初九	月	五	初二十七	月	八	十六	月	廿	十九
三月初	六	月	十六	廿三	月	九	十九	月	廿三	十二月無齋期
										閏月同前

觀音古佛原叙

天下善書廣矣。聖經賢典。丹經子書。古人道成。天上法留。世間莫不字字珠璣。句句牟尼。如入元圃。美不勝搜。然書愈多。而人之惺者。究少。豈書之不善哉。抑以其旨深。其義蘊。其辭奧。可以為上智訓。不可以為中下迪。可以為文士英俊觀。不可以為愚夫愚婦勸也。吾思以深論。不若以淺論。因人以施教。不若以身施教。就道論道。曷若以事論道。以吾之不戀榮華。立志修煉。屢受苦難。魂遊地府。歷觀陰律。果報還陽。香山

功成了道自度度世亦可以現身說法為天下後世告矣於  
是以吾之本末始終逐一詳叙當時言語問答縷晰備載著  
為歌句聯為俚語言簡意顯辭淺理明又將修道之火候功  
用玄妙法則一一流露於常言俗語中能令閱者一目了然  
由淺求深因經尋義書成藏之朝元洞內石室門中以待後  
之見者廣為流布不但可為上智訓亦可為中下迪不但可  
為文士英俊觀亦可為愚夫愚婦勸於以改過遷善廣行方  
便訪求至人指示經中功用玄妙有不難彼岸同登矣吾昔

立下洪願濟度一切此經其吾濟度之一助也歟因以濟度  
本願真經名其書而綴數語於箋端云

觀音濟度本願真經叙

從來三教經典垂訓教人字字隱義句句藏玄旁喻曲引告  
誡不一無非欲人明善復初修性了命以全其本來耳言雖  
不同理則一也余自生以來不昧本性知人為萬物之靈質  
列三才之中不敢自棄常行濟人利物事件窮究性命根原  
幸遇普定仙師指示先天大道授以率性復初功用一日往

朝普陀舟至南海預得真武祖師之報船將到岸忽狂風大作波浪洶湧當時船壞者不少余蒙神蓋佑緊操舵漿得達津涯將船泊於海岸散步閒遊忽至一處見石門壁立牌坊森列篆鏤朝元洞行不數武內有一菴名曰靈通寺余進步內觀遇一道童瀟灑不俗謂余曰居士過此風波實乃上天數定玄機報應今適到此此中有一濟度慈航其賴居士成就此功德以慰我佛無量度人之心談叙之間因出觀音濟度本願真經一冊授余余誠敬捧讀乃知為觀音佛祖自叙本行不忍衆生塵苦願旨下世託生興林國裏皇宮之中自幼靈慧不昧捐棄浮華勤修大道爾時其父妙莊王迷却善因不信修真誣為邪孽致菩薩受苦花園火焚白雀斬絞法場守死善道苦難備嘗英靈不昧蒙神引遊地府遍觀陰律果報度獄還陽逃至香山修養成真其後莊王惡盈福盡上帝降旨寬孽尋報菩薩慈悲廣大顯靈救父勸惺知非從善願旨國中修建叢林設立齋醮超度寬愆後至香山還愿菩薩元神顯化度轉父母骨肉感化駙馬宰相同修大道

共成正果。善惡報應始末備載。菩薩又復以所得心印之法。闡發修煉虛實。辨別旁正。以及抽添還丹功用。配合溫養調理。脫胎神化威儀。了凡成聖。一總節度。玄妙秘奧。法則無不流露於行間句裏。雖言談俗語。皆有妙義存焉。俾後來有緣善信。得授此經。深者見深。淺者見淺。誠意為人講誦。即有神光照耀。體貼遵行。自然智慧洞開。神鬼欽敬。誠照破幽冥之明珠。超昇極樂之梯航也。余得授此焉。敢不成就此一宗功德。無柰經係西天梵字。東土之人識此字者少。余急歸家譯

寫書正刊刻行世。使人觸目驚心。改過遷善。廣積功德。潛心體會。經中妙諦。以經為證。訪求至人。指示經中妙義。明止於至善之所。知下手修煉之方道。全德備極。樂西天何難到哉。噫。嘻。壁聞琴聲。古經不絕。書守靈威。金簡長存。二酉稱神仙。貯書之所。瑯環為天。設載籍之地。唐李筌得陰符經於嵩嶽。呂祖翁藏指玄篇於青城。古人道成天上。書遺後世。非一人矣。今何幸而機緣相遇也。因樂而為之叙云。

旨在

大清康熙丙午歲冬至後三日廣野山人月魄氏沐手敬叙

於明心山房

觀音古佛原本讀法十六則

一本願真經闡道之書也當作道德心印金剛法華讀之其言天道人道無不備載入世出世靡不縷陳剖露玄機所關最重讀者須當淨手焚香誠敬開誦讀畢捲卷高供不得褻視知此者方可讀本願真經

一本願真經善惡金鑑也當作感應篇功過格讀之善惡昭

彰因果顯然天堂地獄只看所行若海無邊回頭是岸誠感發善心懲創逸志之良劑也知此者方可讀本願真經  
一本願真經暗室燈考金石也言因果本福善禍淫之理講修煉實返本還原之道解悟此經一切惡孽惡念惕目而驚心旁門曲徑不闢而自破矣知此者方可讀本願真經  
一本願真經不比一切演義傳奇俗本彈唱歌曲此等書卷徒悅人耳目無益身心此經所論皆善惡因果所言皆性命道德不作那無益之論也知此者方可讀本願真經

一本願真經讀者勿以歌句粗俗文不華麗輕之從古才子刻畫山川景物縷寫風雲花月逞其逸思徒供人吟咏耳究於身心何補此經不作無補之論也知此者方可讀本願真經

一本願真經其間有與禪機同者又非野狐禪之輩徒為拍喝語自欺欺世使人無處捉摹者可比其用意處或在言中或在言外俗語常言中暗藏元機舉動云為處顯露心傳若經明眼指示頭頭是道洵佛經中一部俗諦乃佛經

中一部真諦知此者方可讀本願真經

一本願真經言雖淺近元妙無窮時時可讀人人可讀深者得之而見深淺者得之而見淺如以為粗俗無文是從文字上起見也修辭立其誠此經無文所闡實天地之至文也知此者方可讀本願真經

一本願真經不在口讀而在眼讀不在眼讀而在心讀不在心讀而在身讀何以故知行並進也知此者方可讀本願真經



本願真經自讀須為人讀人讀又須令其為我讀何以故成已成人互相砥礪藉他人之吟咏開自己之塵蒙知此者方可讀本願真經

一本願真經言火候甚詳古人傳藥不傳火從來火候少人知經中設象寓言火候之妙形容的當知此者方可讀本願真經

一本願真經前半是艱苦備嘗後半是道成樂境語曰甜從苦處來也知此者方可讀本願真經

一本願真經既以經名何每篇多以話說冠之屏去一切梵語奧辭直以說話者說經令人易知易悟了了於目自了了於心也知此者方可讀本願真經

一本願真經每有重複字眼原以人有利鈍不齊不欲以字語變換炫心惑目以便人記誦耳况真言要語不在多也知此者方可讀本願真經

一本願真經言善功甚詳然亦未嘗言及者夫善在人為耳隨心隨手皆可以積功累行也如若經中所未載便疎忽

而不為是自阻也。知此者方可讀本願真經。

一本願真經言陰律甚詳。然亦有未能悉述者。須當依例比擬。夫諸惡莫作。恐一念有差也。如以經所未載。便大膽做去。是自悞也。知此者方可讀本願真經。

一本願真經。須具一付玲瓏心眼。讀之四方八面相照。中邊底裏相映。種種元妙法則。無不盡載其中。切莫被淺言俗語瞞過。知此者方可讀本願真經。

觀音濟度本願真經上卷

爾時慈航尊者。在大羅天宮。逍遙勝景。座八寶金蓮。受用無疆。慧眼遙觀。見東土眾生。貪迷酒色財氣。利鎖名韁。造染罪愆。六道輪迴。轉報不一。醉生夢死。脫骨如山。冤緣相報。皆無了期。尊者不覺慈心悲念。曰。吾自混沌分判。以至於今。為救眾生。託化東土。劫劫度人。功證無上正等正覺。今乃周末之際。人心大變。殺淫滔天。觀此眾生。冤孽何能解消。黑炁盤空。實實駭人。吾觀男子等。亦有知覺三教之理。明善窮原。噯。但

視女子。不明天理循環。世所禁戒。有墮落不堪者也。細思塵苦可悲可嘆。吾不如下世。脫化女身。解此五濁之災。以作後世榜樣。使婦女亦好知非改過。逃脫輪迴之苦。免却地獄諸刑。血河之報。同登菩提覺路。共享極樂美景。方如吾願。當即啟奏。

瑤池金母。無極天尊座前。曰。航今跪奏。無別時。觀東土眾生。越迷越墮。航心不忍。有意下凡。度惺眾生。指破迷途。明止於至善之道。知返本還原之功。跳出生死之門。離脫苦海之路。

金母曰。東土眾生。迷昧本性。輕慢三寶。誹謗佛法。甘隨沉淪。難以勸轉。慈航哀告。金母慈悲。大開洪恩。准航下凡。誠心苦勸。自有回心向化之人。金母曰。爾若定要下世。時下塵苦。不比於前。須當小心。莫落苦海。自誤前程。謹記於心。後日吾命燃燈。指你大道。迴光返照。慈航叩謝洪恩。辭別諸佛菩薩。往東而來。

○○○慈航下世投胎第一

今慈航別瑤池靈山勝景。捨不得金世界霞光騰騰。

捨不得瑤池母慈悲教訓。捨不得諸佛仙常近常親。因眾生墮苦海迷失本性。咱不忍求佛旨投下東林。嘆名利恩愛牽羅網陷穽。着不破解不脫甘墮火坑。嘆天下人心刁世道改更。君不仁臣不忠天理不存。嘆那些仙真客都遭所困。細思想不由我雙淚下傾。只見那黑殺氣虛空結定。這一場大災劫怎麼安寧。嘆婦女不明理罪過更甚。身本是五漏體差錯難云。咱今番下東土好言垂訓。願捨身遊苦海度惺原人。轉女身做一箇後世把柄。使下界婦女們學我脩行。若度回信心客把母欽敬。作筏船遺後世萬古標名。觀普天並匝地誰有根行。借父母而投生闡化妙因。這萬國四部洲咱一看盡。惟西域與林國好箇錦城。那國主妙莊王婆伽為姓。有國母伯牙氏慈悲愛仁。再看那二公主是個善信。查伊等是四果仙真化生。所掌的這江山却也不近。率領有大小官三千餘臣。東至那佛齊國西至天真。南至那暹羅國萬里乾坤。

吾不免就在此借母投姓。○到後日必然的有段奇音。○  
話說諸佛菩薩齊送慈航來至興林國。霞光照徹宇宙徧滿  
乾坤東嶽城隍土地等神齊來迎接佛駕。諸佛菩薩談論返  
駕不表且說伯牙國母夢中恍惚覩一太陽落於身懷腹中  
有孕光陰似箭。日月如梭。不覺十月胎足。娘娘生下公主。報  
與莊王知道。莊王曰。長女妙音。次女妙元。伊取名妙善。宮中  
慶賀一切不表。且言國母自懷公主於身。一切葷腥之物。見  
之心中煩湧。公主自幼葷乳不食。及長至五六歲時。秉性善  
良。心靈異常。凡讀書過目不忘。出言吐辭。比眾不同。莊王國  
母喜愛至切。不覺公主長立成人。一日莊王與娘娘言道。妙  
音妙元已招駙馬。今妙善年已十六。不免擇選良辰吉日。備  
辦綵樓招親。以定終身之靠。豈不是好。吩咐綵女傳公主進  
宮。宮女曰。領命。宮女來至公主繡閣內。尊聲公主萬歲。與娘  
娘傳公主進宮。公主曰。領命。起身就走。來至宮庭。公主曰。父  
王母后在上。為兒叩拜。莊王曰。皇兒平身。賜坐。公主曰。謝坐。  
父王母后喚兒有何教訓。莊王曰。皇兒。為父叫你無別。你大

姐二姐已招駙馬。想兒今年已十五六歲。為父要與你選擇良辰。備辦綵樓。命你招親。以定終身大事。公主曰。父王母后容兒呈稟。

妙善宮庭來稟道。請聽為兒說根苗。十月懷胎恩難報。三年乳哺母劬勞。舉動行為把兒教。三從四德指節操。世俗人情兒盡曉。觀此紅塵甚蹊蹺。為臣盡忠子盡孝。體行八字是英豪。時下人心多奸巧。糊糊塗塗過終朝。兒把紅塵識破了。不招駙馬學道高。人活百歲如夢兆。

榮華富貴似火硝。我勸父母脩行好。拜佛持經感天曹。積功立德善為寶。脩出苦海脫塵勞。不食五葷體天道。不與六畜冤結交。世事一切循環報。天理昭彰不混淆。父母前世脩積好。今掌山河率羣僚。若還從此又脩道。求神將名紫府標。一朝功滿丹書詔。享受天福勝人曹。行有仙鶴雲托繞。無煩無惱真逍遙。雖然皇宮快樂好。憂國憂民費心焦。與民分憂事微渺。冤屈人命罪難饒。話說莊王言道。皇兒不必胡想。為人在世。不過盡五倫五事。

便了。何必持齋脩行耶。公主曰。人生質列三才。體備萬物。自當效法天地之全功。父王所言。不過人道之常耳。兒有十字文一篇。奏明父王母后。

有妙善在皇宮。雙膝跪定。稟父母請坐上聽訴真情。嘆人生在世間。盡是胡混。人之初性本善。幾個明心。貪酒色與財氣。昧迷天性。為口腹殺生命。天良何存。有一千想一萬機。謀用盡。有了富又想貴。心不滿盈。想前生脩積好。今世微倖。怕只怕福盡了。要見閻君。

孽鏡臺高照。起功過現定。論善惡那怕你王侯公卿。行善的依善功受福承任。作惡的照惡報永受苦情。發鋸鑕與碓舂。苦楚難忍。刀山獄與箭樹。一見散魄。還有那血河獄。苦愁情景。臭薰薰浪滾滾。蛇狗爭吞。有兒女金銀廣。誰來探問。有田地與家財。難買閻君。為兒的怕只怕生死大限。因此上不招親。要去脩行。想人生活百歲。如同夢瞬。不脩道怕的是墮入迴輪。願父王發慈悲。莫把兒憾。兒秉心誠好道。要學古人。

自古來為仙佛由凡希聖。我做個女丈夫跳出火坑。

○○○花園受苦得藥之道第二

話說莊王言道。真真氣死我也。一時大怒。罵道。不成才的賤人。為父懶與你分辨。你若修行。不依我勸。將身上衣服。一概脫下。只留遮體衣衫。去到花園挑水潤花。如若花有損敗。開之不茂。叫你性命難留。

公主當時雙流淚。脫了錦衣好傷悲。驚身來到花園內。肩挑水桶命不違。我今本是玉葉體。怎麼挑水把花培。雖然水挑在肩上。誠意切志心不灰。龍神土地齊來到。城隍忙得似雲飛。諸神暗中来擁護。接引空中暗助威。公主挑水潤花草。一身輕爽不喫虧。

話說諸神暗中扶持不表。單講國母見三公主。一心只想修行。不肯招親。他父王將他謫貶在花園挑水潤花。我心牽罣。不免傳大公主與二公主進宮。教他二人往花園勸他。不迷於脩行之路。命太監傳二位公主進宮。太監曰。領旨。傳二位公主進宮。少時二公主進宮。齊曰。母后在上。兒臣見駕。國母



曰。皇兒平身。賜坐。二位公主齊曰。謝坐。母后傳兒等進宮。有  
何教訓。國母曰。我兒有所不知。只因你妹三公主妙善。心性  
顛倒。妄想神仙。一心只想脩道。你父王勸他招親。他不遵命。  
你父王一時怒起。將他打在花園。挑水潤花。為娘心中難忍。  
教你二人。去往花園。勸他招親。同享榮華。二位公主曰。領命。  
遂來至花園。只見三妹觀花。神凝於蕊。根之上。開言叫道。賢  
妹。何得如此。三公主見二位姐姐來到。喜笑相迎曰。想二位  
姐姐。莫非着破紅塵。來此亦想學道耶。大公主對二公主曰。  
哈哈。你看他真正鬼迷心竅。死貪神仙。做二公主言道。賢妹  
生於皇宮。受享榮華。如招一駙馬。無邊快樂。何苦如此。公主  
言道。姐姐勸我招親。却是笑意。但你等只圖眼前之樂。不明  
福盡之苦。聽我道來。

堪嘆人生不識真。○貪名圖利過光陰。○你我前生脩積好  
今生方得享福榮。○借此榮耀好脩積。○自然感格上天心。  
若還一朝功行滿。○脫凡成聖入天庭。○如若迷昧因果事  
貪圖口腹傷牲禽。○天眼恢恢毫不漏。○善惡昭彰甚分明。

食齋戒殺為正理○並非古怪有妄行○古言萬物皆同體  
殺他肥亡怎忍心○今斬明殺冤暗結○造下罪過似海深  
有朝一日洪福盡○無常一到萬事傾○功名富貴帶不去  
善惡兩事隨性行○到了陰司閻羅殿○夜叉惡鬼甚驚人  
孽鏡臺前來跪下○功過現出判斷清○功多過少生福地  
過多功少苦難云○我勸二姐脩善好○莫要迷昧前世因  
神仙都是凡人做○只怕凡人心不真○我今立志要脩道  
任父把我怎樣行○人活百歲如春夢○勸你不必罣我身  
你我雖然同胞養○終以百年要離分○說得二人無言答  
低頭默然不做聲○二人見他難勸轉○回到宮庭奏父君  
即時走到皇宮內○哀告父王與母親○免今啟奏非別事  
為的三妹他脩行○纔到花園會一轉○人是鐵心也泪淋  
兜勸父王休煩惱○捨他一心去脩行○莊王聞言心大怒  
膽大妙善不是人○食齋脩行那些好○痴心妄想成佛真  
花園受苦都不怕○死路是他自己尋○他今脩行不要緊  
顯我之醜敗名聲○若還磨他心不退○為父自有別調停

話說莊王實意不准公主脩行。一切不表。單說值日功曹。鑒察護法。直奏我佛座前。將莊王之言。一一奏上。又將妙善公主決志脩行。勸二位公主行善之語。句句錄奏。佛祖觀此奏文。金容大喜。曰。果真佛性不昧。急宜燃燈尊者。曰。命你東土一往。指示慈航。先天大道。率性返本。始成正覺。燃燈尊者。欽領法旨。即離大雄寶殿。靈山勝景。霎時之間。來至東土。撥開雲端。只見妙善公主。花園站立。尊者曰。待咱家化一沙彌。考他一考。看他心性何如。不覺來至花園。稱聲女居士。請公主舉目來觀看。一見和尚。着一驚。你今如何來到此。輕入皇家花園門。若還父王知道了。教你性命活不成。和尚當時回言答。尊聲大姐發慈心。我也不知怎到此。恍惚走進這花亭。你是誰家良民女。將你真情說我聽。公主開口回言答。師傅聽我說分明。我却不是良民女。妙善公主是我身。不戀紅塵想脩道。父王惱怒磨我身。把我謫貶花園內。要我挑水潤花根。燃燈假意來考問。考定心猿指性根。公主你本玉葉體。洪福不享脩甚行。

我本香至國太子○聽人所愚來脩行○只望脩道想清靜  
誰知苦楚不易承○脩行還要仙骨體○不然一考就灰心  
我勸公主回意轉○莫悞青春好光陰○喫齋脩行有甚好  
紅塵美景樂風情○一世人身實難得○黃金難買少年春  
公主當時回言答○和尚你亦不聰明○三教聖真凡人做  
積功行德悟本因○功成德備超三界○遺留經典引後人  
酒色財氣迷人網○紅塵苦海害人坑○百歲光陰似火爍  
富貴功名等浮雲○此身不向今生度○更向何時度此身

觀音和尙心性穩○切莫二意兩三心○只要一心脩正道  
西天佛祖自看成○雖然眼前無好處○功成遠標萬古名  
天地三曹是人掌○苦樂原來爭一心○善惡到頭終有報  
遲早報應各有因○哈哈來笑道○果然根大佛緣深  
你今真心想脩道○何處下手是性根○那裏是你娘生面  
誰個是你本來人○止於至善在何處○知止定靜可得聞  
厥性復初是那樣○清濁二物怎麼分○脩行不明這些理  
只喫迷齋枉費心○不過不欠六畜債○難免紅塵轉迴輪

人秉父母陰濁體。○不知撥陰陽怎生。○公主低頭來思想  
莫非佛祖度我身。○當時跪在塵埃地。○哀求大師發慈心  
燃燈慈悲開言道。○大道立誓方為憑。○公主朝西來跪下  
虔誠敬稟告天京。○上告玉皇天齊主。○三十三天諸佛尊  
下稟陰曹幽冥主。○十殿閻君聽分明。○弟子本是皇王女  
取號妙善是乳名。○自幼五葷都戒除。○今年方纔十六春  
立誓求領先天道。○蒙師指點無字經。○若還後來有退悔  
永墮沉淪地獄門。○伏望諸佛來護佑。○保佑妙善無災星  
祖師慈悲來指點。○指點玄關鍊虛靈。○一不殺生並偷盜  
三不邪淫守戒清。○四不酒肉並妄語。○五戒總要守得精  
皈依佛法僧三寶。○二五相交妙合疑。○靈臺收取先天炁  
北海存留龍虎迎。○定靜恍惚無人我。○一元復始地雷鳴  
牛郎織女意相合。○五行攢簇毫光騰。○一四二三顛倒會  
移戊就己虎龍吟。○牟尼寶珠能結就。○功行圓滿內果純  
任他千磨無退悔。○九九難滿脫紅塵。○諸佛諸祖空中接  
永証極樂勝華榮。○

曾題西江月二首以定公主之前程

緣深得遇大道。切莫大意看輕。無中生有煉虛靈。自爾明心見性。

謹防火焚斬絞。返遊地府悽情。佛成魔滅證金身。永住普陀勝景。

話說燃燈佛曰。叫聲公主。你今已得大道。謹防考懲。吾即告辭別行。公主曰。弟子蒙師指點大道。何日報答師恩。燃燈曰。只要公主千磨不改。萬難不退。一朝功行圓滿。始成正覺。即

是報吾之恩也。言畢就走。公主悲泪送出花園。轉於松柏樓。猶煉不題。且說燃燈尊者。行至南門。化道白光。往西而去。回繳佛旨。一切不表。單講莊王與娘娘言道。這數日磨這冤家。他該回心。不想脩行。就命太監。看他心意如何。太監領命。來到花園。觀看各種花色。開得甚美。實實賞心。又見公主一旁打坐。巍巍不動。毫不憂戚。容貌喜色。更加十分。太監回奏。莊王。莊王聽得如此。忙傳四相。與趙魁。何鳳。二駙馬進宮。太監曰。萬歲有旨。宣四相。二位駙馬進宮。四相駙馬齊曰。得令。不

一時俱皆進宮。參見曰：臣等見駕，願吾主萬歲萬歲萬萬歲。莊王曰：衆卿平身。賜坐。四相駙馬齊聲曰：謝坐。稟奏吾主。宣臣等進宮，有何大事議論。莊王言道：朕非為別事，只因三公主妙善，死想修行，磨他不改，如何懲制。左相奏道：吾主不必憂心，依臣之計。本城南有個白雀寺，主上傳旨一道，宣長老尼僧，與他商議，說些修行苦楚，勸三公主自然回心。莊王言道：此計甚妙。即傳口詔，宣白雀寺長老尼僧進宮。不多時，尼僧進宮，見駕，口稱萬歲。尼僧得真見駕，莊王言曰：宣爾進宮，非為別事，只因三公主妙善，一心好道，只想修行，朕將謫貶花園，使他挑水澆花，說培植不好，花有損壞，性命難存，只望磨他退道，不想修行，誰知他不憚勞苦，調護花根，盡善盡美，並不回心。朕今將他送在爾菴中，教爾用些苦事，使他去做。講些修行苦難，使他回心。寡人重重有賞，遂命宮娥綵女，去到花園，把三公主送到白雀寺修行去罷。命四相二駙馬，都各回府。莊王商議苦磨妙善公主之事，一切不表。單講宮娥綵女，領命來至花園，只見公主在五花松亭之中，一傍打坐。

綵女稟道。公主你好不知苦也。公主抬頭一看。見是綵女。急問到此何事。綵女曰。萬歲見公主不肯招親。貪圖修行。本城有一白雀寺院。盡是女人修行。萬歲傳長老尼僧。將你拜他門下修行。公主意下何如。公主答曰。父王有命。焉敢違拗。但不知幾時去。綵女稟道。今日就去。綵女勸道。公主何不招親。免此苦難。公主曰。綵女你不知脩行好處。道成樂境。聽我道。教綵女一傍坐聽。我言道。○觀苦海不由我兩淚雙拋。○共天地同三光一體相照。○為甚麼受樂苦異種千條。○

生如夢死如醉輪迴不了。○世間人不醒悟貪戀紅黃。○不窮究三教經率性大道。○貪假名想假利甘墮塵勞。○心不慮這色身百年難保。○全不想古聖真怎上天曹。○富貴人昧前因心毒計巧。○德不修善不積殺淫蹊蹠。○可惜這好因緣光陰錯了。○活百歲轉眼間無常難逃。○有孝子和賢孫生死難保。○任金銀高北斗難免陰曹。○雖然的做道場熱熱鬧鬧。○怎能殺將真性超登九霄。○貧賤的不守分迷却心竅。○天不怕神不懼作孽怎消。○



惡貫滿到陰司人身失弔。在地獄受苦難永生超。將生前冤孽賬還報清了。方能殼轉人身又落貧寥。勸爾等今有福莫把罪造。轉輪車冤孽報不能開消。凡富貴與貧賤修善為靠。敬天地禮神明好生為高。古迄今善惡事終有奇報。切不可縱心猿橫行奸刁。我今日要修行得明大道。觀天道執天行修步天橋。春來時採諸花徧開滿道。到夏時賞花情聚歛烹調。屆秋節諸花性盡歸根了。歷冬景萬花謝松柏不凋。你講余居花園孤單不好。你想着在皇宮樂享逍遙。你豈知這靜中許多玄妙。飲烏肝食兔髓龜蛇蟠交。五花亭松柏樓龍吟虎嘯。有猿猴來獻菜美味嘉穀。一簞食一瓢飲無窮妙奧。左嬰兒右姹女守定一交。其中的玄妙味你不知曉。識此味纔算得仙佛根苗。有一日功行滿丹書下詔。脫凡骨證金身得赴蟠桃。超九玄拔七祖同享榮耀。免輪迴無生死天外逍遙。稱大忠稱大孝名利至寶。座蓮臺大雄殿富貴英豪。

話說眾宮女言道聽得公主此篇言語果然脩行是一件美事。但我們日後亦要修行方好。暫時不能談叙一切不表。單言公主與眾宮女回至昭陽正院。妙善公主進於內宮。只見娘娘與二位姐姐談論。傍有一位老尼僧不知說些甚麼。公主進前稟道。母后在上。為兒叩拜。娘娘叫聲皇兒平身。賜坐。公主曰。謝坐。二位姐姐請了。娘娘觀看公主身上衣服。不覺雙眼流淚。教聲皇兒。今在花園受無邊苦楚。怎不遵父王之命。招親同享榮華。何等不好。怎麼迷入修行之路。連累為娘憂愁。望念兒心何安。此即兒之不孝也。公主稟告母后。適有宮女言父王命兒白雀寺修行。兒亦遵命。但兒有告別父王母后之辭一篇。叩稟上呈。

今妙善來昭陽辭母叩拜。尊一聲老國母。細聽情懷。思父母生身德恩如山海。即粉骨與碎身都是應該。身懷兒在腹中。那有爽快。茶不思飯不想。苦楚難挨。若臨盆骨節散。身痛古怪。兒投生娘如死。好不悲哀。母子們見了面。方算安泰。三年乳哺養成。費盡心懷。

兜卧乾娘睡濕將兜調擺○又怕兜命不長根難穩栽○  
出痘痲父母憂怕兜損壞○二六時費心機求神保孩○  
教之到十五六嫁娶交代○把父母這恩情從何報來○  
為兜的雖女流天理知解○思人生秉乾坤質列三才○  
論招親陰陽理前傳後代○為甚麼兜不遵所為何來○  
兜觀這光陰過急如風快○不修善怕的是墮落塵埋○  
兜前日在花園蒙佛下界○指性命無字經修煉本來○  
佛祖恩大慈悲將兜訓誡○悟透了三教理心花朗開○  
他言道超父母食齋守戒○積功德修性命得見如來○  
兜立志苦修煉不敢懈怠○採鉛汞行火候龍虎徘徊○  
九九的功行滿超出天外○將父母先亡魂接至蓬萊○  
住極樂金色界無罣無碍○報父母生身恩乳養成裁○  
非是兜說妄語古尊現在○釋迦佛棄皇位始証如來○  
將梵王九玄祖齊超天界○坐蓮台享天福快樂悠哉○  
父要我白雀寺修行無害○好和歹聽父母怎樣安排○  
話說國母言道我兜修行却是好事○奈你父王心中不愛為

娘亦無奈何。兒今往白雀寺修煉。勸兒回心。以遵父命。妙善公主曰。兒決意修行。就此叩拜告別。國母吩咐綵女陪送公主。往白雀寺去罷。路上一切行程不表。且聽下回分解。

○○○白雀寺放火焚燒第三

話說宮娥綵女將妙善公主送在白雀寺中。叮囑大眾尼僧。總要勸解公主。不貪脩行。萬歲將來重重有賞。眾尼僧齊曰。僧等自然苦口相勸。不要叮囑。宮娥與眾僧人談論。一切不表。單言妙善公主來至庵中。進了大雄寶殿。沐手焚香。參拜

三佛。又參叩長老眾位尼僧。公主曰。自今辭別皇宮。來在白雀寺中。恍惚地雷鳴響。黃芽白雪轟轟。鐵雀虛空。叫喚清風。明月相通。觀看猿馬忘相。又是一重妙容。活活潑潑靈機。却乃允執厥中。此地無人無我。纔識木母金公。在此望師教訓。指示所行之功。有日功就果滿。報答師長師兄。眾人齊聲哈哈大笑。長老言道。公主本是玉葉金枝之體。洪福盛大。宮娥綵女伺候。口食珍饈美味。身穿繡鳳錦衣。何等快樂。今乃甘此淡泊耶。眾人言曰。愛我們出家。都是命運不好。或犯帚星。

或犯關煞。或帶八敗。或帶孤貧。故此出家削髮為尼。每日化齋。叫爹爹告奶奶。臉皮下賤。走長街行小道。受人欺壓。有施主來廟。須當奉敬如神。稍有怠慢。他就言出家之人。許多不好。想我們日食兩餐。清茶淡飯。有鹽無油。苦楚難言。每見人家豐衣足食。夫妻恩愛。滿堂子孫。樂享福澤。我等自思。不知流了多少眼淚。公主聞之。哈哈大笑。你們收回心猿意馬。莫迷當來之路。聽我道來。

妙善公主開言道。勸衆修行心莫焦。富貴前世預脩造。行善積德立功勞。或修善渡把橋造。或修廟宇人拜朝。或修崎嶇來往道。或買生物放他逃。或周貧窮無倚靠。或者食齋把香燒。或者誦經誠意好。或者勸人莫奸刁。或者勸人行正道。或者施藥把病療。或講節義禮忠孝。或施棺木免尸拋。或施綿衣禦寒襖。或刊善書指迷條。或施粥飯充飢飽。或青書冊上記功勞。一切陰功修積好。今生享福甚逍遙。夫妻兒女多榮耀。一生受福過終朝。貧窮殘疾却不少。前世作孽今世遭。不信陰功與果報。

心中惡毒不解消。一味奸巧自棄暴。引人作惡罪難饒。  
誹謗聖賢滅佛道。欺天背理犯天條。不忠不孝殺淫盜。  
造成罪過在陰曹。罰在陽世多苦惱。六根不全受煎熬。  
街前求食苦哀告。指人行善修德高。福禍從來由心造。  
善惡循環不差毫。你我學道把佛靠。怕甚苦楚身受勞。  
天地之理須當曉。陰極自有陽來朝。釋迦雪山苦修道。  
身穿衲襖立志高。居無求安食無飽。萬法歸一鍊一文。  
今証極樂為掌教。丈六金身萬古標。

話說滿堂衆僧聽得公主一篇惺心經文。只好稱讚善哉善哉。  
長老心想。萬歲與娘娘叮嚀與我。勸轉公主。不貪修行之  
事。今聞他所言。心堅如同金剛。志穩猶如泰山。教我等如何  
是好。不免將庵中數種執事。要他去做。諒他必定難行。長老  
言道。公主乃皇王之女。金枝玉葉之身。既然看破紅塵。投入  
佛門。你不來我不怪。你既來要受戒。我佛家有一規條。凡初  
入廟內。掃地。打柴。挑水。舂米。焚香。等等之事。你可做得否。公  
主不知多少。隨口應允。誰知諸神暗助。竟不為苦。尼僧驚訝。

談叙一切不表。單言公主行至廟前廟後。左右兩廊一觀。來至三清殿。兩邊有兩張活活潑潑之門。公主又行之於裏。却是不大不小一間丹房。上邊掛有匾。匾上寫有四字。曰至善之地。初進於裏。黑暗不明。實實不當好坐。不多時。來了黃長老法師。哈哈笑道。三公主你怎麼找着此地。公主告道。由三清殿而進。長老曰。不錯不錯。我因此廟煩惱之極。晝夜奔忙。把我精氣神三寶耗散。我纔無有管事。任從他們施為。今公主到此。望你常常看顧。我亦常常沾光沾光。公主言道。此房如何這樣黑暗不明。黃長老哈哈答曰。三公主初進此地。還不明這個消息。我今告汝。將這活潑兩扇門帶攏。閉轉陽光。自然通亮。汝明白否。公主曰。曉得曉得。黃長老曰。汝心意如此。靈會必然得遇。至人指點。承汝照顧。坐不一時。果然幽靜。境界不同。黃長老與公主心投情合。就相似一個人了。公主情歡意樂。將心印之法。表出一篇。使門外人醒覺。豈不是好學道修鍊講參。玄。不明自身永與鉛。旁門三千六百八。九十六種外丹丸。豈知自身有妙藥。精氣與神是根原。

不是山石草木類。不是金銀銅鐵鉛。訪求明師親指點。  
虛無竅中細鑽研。降得赤龍伏黑虎。撥陰取陽見本元。  
性復乾初神恍惚。仰之彌高鑽彌堅。六合同春歸戊己。  
出玄入牝鍊丹丸。八寶凝聚舍利子。勿忘勿助太極圈。  
修道解此真妙諦。功成同吾座金蓮。堪嘆假知瞌睡漢。  
以假作真反遭愆。此篇吾之心印法。妄語一句墮九泉。  
話說公主在此談叙妙理。忽然想起長老命我所做之事。亦  
要行持。方不犯佛規。尊聲黃長老請坐。待我掃地打柴舉火。  
運水。且候閑時。再來奉陪。公主起身。諸神擁護。暗中扶持。接  
引古佛。神光照耀於公主。所以公主承當執事。毫不勞苦。諸  
神幫辦。各件做之完全。長老前來觀看。心中大驚。行之數日。  
衆尼僧議論紛紛。一切不表。單言莊王傳宣白雀寺長老。問  
公主可有回心之意否。不多時。尼僧進宮。口稱貧僧得真。朝  
見萬歲國母。莊王言道。命你相勸公主。時下何如。一一奏來。  
有得真跪宮庭低聲上奏。尊萬歲與娘娘細聽根由。  
僧領命將公主苦勸深阻。誰知他心性堅不肯回頭。



將一切苦執事要他去做。三公主所做事鬼驚神愁。數十人難做事他一做就。這一段奇怪事萬歲分憂。講修行那苦楚心不懼扭。論言辭賢公主三教通熟。衆勸他他大笑言衆糊塗。一篇言說大衆不能抬頭。望萬歲將公主另立調度。貧僧等實難勸公主不修。想我等女流輩拙齒鈍口。三教理又不明話語不周。求萬歲開洪恩赦我罪疚。非尼僧不遵命懶於計籌。妙莊王聞此言心中大怒。不由孤心惱憾氣冲斗牛。這冤家死心想修行之路。不招親氣得我體不舒酥。居皇宮樂無窮他不享受。學神仙遭苦難自墮貧流。想寡人座江山一國之首。細思想這妖精情理難留。老國母勸萬歲且息雷怒。妙善兒他修行何必過憂。自古來修行人亦是本有。非皇兒今日裏格外圖謀。勸萬歲又何必苦苦擋阻。依我勸聽他為怎樣行遊。倘若是他日後成真作祖。你與我到後來萬古名留。天地間善惡報疎而不漏。敬天地禮神明豈無神糾。

話說莊王聽得國母之言語。他修行是你教訓不好。你亦信他之言。莫非也。想學神仙麼。國母答曰。愛我亦不過勸解萬歲而已。莊王道。叫聲得真。你且回寺。湏要用些計謀。將公主勸回招親。寡人有賞。不得空勞於你。得真叩謝龍恩。辭別萬歲國母。回到庵中。與眾談論一切。不表。單言空中陡降童言。唱曰。莊王有一女。今住三清裏。與一黃法師。媒合達彼此。勾引白面君。談論天外理。常飲菩提酒。三人共一體。一朝嬰兒出。通天名揚起。好笑這國王。假不知其理。此乃天降玄機。各處大小男女。皆唱此歌。傳入莊王耳中。文武眾官。盡皆知之。莊王氣得火高千丈。就與首相黃靈言道。勸他招親。他又死心不肯。既是如此。傳王真虎進宮。一時王真虎見駕。口稱吾主萬歲。宣臣進宮。有何國事議論。莊王言道。因為三公主不聽教訓。只想修行。今在白雀寺。惹出謗言。實實氣死於我。命你快點五百大兵。用乾柴圍住寺院。放起烈火。焚燒。三個知客。六個當家。五百餘僧。盡皆不畱。逃走一人。連你有害。湏正心誠意而為之。

真虎領旨忙忙走。即刻就辦不暫停。怕的違背萬歲命。滿門有害受災星。點領人馬如雷吼。頃刻就圍寺院門。吩咐放起大烈火。滿天紅光好驚人。國母聽得綵女報。搥胸跌足大放聲。哭聲妙善刀割膽。叫聲三女痛肝心。國母一時昏死了。魂魄恍惚死復生。上天諸神來護佑。扶持公主修道人。滿院尼僧盡燒死。寺院佛像化灰塵。公主坐在三清殿。內有丹房一重門。左右兩門來帶攏。巍巍不動轉法輪。真虎回朝繳聖旨。奏明萬歲得知音。急忙走進皇宮內。三呼萬歲口稱臣。庵中僧人都燒死。未曾逃脫一個人。公主一人神保佑。坐定禪床真自驚。君臣談論且不表。把話分開別有因。欲知此情下落事。待候下篇說分明。

○○○斬絞歸陰遍遊地獄第四

話說莊王與娘娘言道。火焚白雀滿寺人等。一概燒死。誰知這冤家他又不死。娘娘言道。他今既未燒壞。不免接他回宮。好言相勸。纔是道理。莊王答曰。接他回宮可也。急命太監宮

女。火場接公主回宮。眾人領命。不多時候。將公主接至昭陽宮。庭中。公主進宮參見。口稱皇兒妙善。叩拜父王母后。赦免不孝之罪。莊王一言不答。國母叫聲皇兒妙善。平身。賜坐。公主曰。謝坐。莊王言道。妙善。你痴心妄想。做神仙。今在庵中。惹出多少難聽之言。使黎民做作歌唱。你真真氣死我也。在寺受苦奔忙。見此火災。怕也不怕。勸你回心。招親為妙。公主奏道。此是兒之罪愆。歷此苦行。方可消脫冤孽。至於黎民所唱之歌。乃天降玄機。打醒父王。知返本還原。父王豈不知儒有云。君子造端乎夫婦。易曰。一陰一陽之謂道。不思孟子云。眸然見於面。益於背乎。莊王曰。糊說糊說。你如不招親。性命難保。公主答曰。父王言兒修行。是為非理之事。要兒招親。方如父王之意。兒有奏章一則。請父王細聽。

兒妙善寫奏文一本呈上。○尊父王與母親細聽端詳。○兒今日學修行。非是邪妄。○遵三皈守五戒。這又何妨。○儒釋道著經典。是何言講。○難道說言修行。草此一章。○朝聞道夕死。可說的那樣。○言厥性始復。初怎樣行藏。○

我皆因前世迷造下罪障。故今生轉女身好不悲傷。○  
在家中未出嫁從父教養。若招親從丈夫不敢主張。○  
倘夫君壽不長閻王票降。守節志還從子方算賢良。○  
精婦工謹婦言一誠不妄。正婦容純婦德毫無徬徨。○  
這三從與四德就算體量。還難免地獄路九泉悽惶。○  
世間人惟女子罪孽難講。生男女殺性命許多罪殃。○  
走竈前血臭氣竈神難擋。又或到廳前污穢神堂。○  
將血衣放河中搥洗擺蕩。污穢了水府神罪過非常。○  
不知禁將臭物對天晒。浪口污虛空過往神。○  
或血水不隱倒對天傾向。又污穢虛空神日月三光。○  
這一段罪孽事幾個推想。到死後閻君爺考問端詳。○  
請父母細思想這些罪賬。兜因為此情由立志修藏。○  
兜誠心感動了佛祖下降。指靈台傳一貫修煉性王。○  
但要兜招駙馬却也易講。依得我幾件事方可從行。○  
要那人降得龍伏虎手匠。取龍精與虎髓為兜食嘗。○  
取得動日中的烏肝八兩。擒月裏兔半觔運兜心涼。○

要王母來為媒說合情暢。要玉帝寫庚書配合陰陽。依得我這些事成親有望。倘若是缺一件不能成雙。妙莊王聽此言火發千丈。好大膽這妖精一派胡狂。這奏文鬼使你自尋羅網。想活命除非是轉過閻王。是無福受皇恩生成孽障。要斬你警後人以正朝綱。一霎時傳聖旨公主綑綁。只嚇得宮內人胆戰心慌。一時間天地昏日月無亮。推的推擁的擁鬼哭神張。老國母與衆人跪把情講。妙莊王克狠狠不比平常。

頃刻間將寶劍宮門懸上。若有人來保本同斬法場。話說莊王命金瓜武士將公主押解法場。時有三官大帝護法諸神暗中扶持。大小神將站立伺候。却言公主來至法場。嘆曰。噯。今父王苦苦要我招親。我實立志不從。只想勸轉父王。同我修行。而證妙果。誰知貪戀紅塵。迷却本來。認假作真。得人爵而棄天爵。聽我奏表。不明修身妙義。不但不肯回頭。究竟生死大事。反將我定下死罪。今解法場。我今一死。却也無妨。但父王與母后二位姐姐。難捨難丟。噯。不由我兩淚雙

流好不悽慘人也。然事到如今。亦只聽天安命。今坐法場。不免將我父王嘆道一番。

細想父王苦奔忙。戀假作真。悞時光。三宮六院來奉養。文武臣僚保贊襄。一國為主江山掌。前呼後擁好榮光。口食百味洪福享。忍害生靈肥肚腸。朝斬暮殺生命喪。去皮退毛又抽腸。五味調和鍋中放。煎炒烹煮心忍傷。率領一國眾官長。號令黎民定家邦。百姓性命他們掌。定人生死各一方。好歹一本奏皇上。理不精詳造罪殃。

生前權柄歸你掌。死後陰司考端詳。今日將兒來細綁。法場之上受淒涼。自生兒女尚冤枉。何況府縣不荒唐。我把做官細思想。冤屈人命罪怎當。幸我不迷知修養。明覺大道修性王。今日脫殼現本相。心無愧悔靠上蒼。人說富貴是好相。我看就是造孽場。千劫修來一切享。一切造罪萬劫忙。仔細推思心頭爽。呼吸二五守黃房。日月相照毫光朗。三花五炁結一堂。吾嘆此篇非虛妄。日月三光為憑章。

話說三官大帝與衆神聖盡皆合掌領會句句記於冊簿一切官員軍民人等聽得公主嘆叙無不流淚衆人議論之事一概不表單言監斬官進前稟道請公主昇天公主曰死生皆有限借假而修真一任剛刀利難傷我法身爾時接引佛祖領金童玉女諸佛菩薩雲端觀看吩咐護法金剛衆神須將金剛寶杵隔着公主頸項免傷形骸其中存有機關在內衆神齊曰領旨

娘娘聽得公主斬○叫天喚地大放聲○妙音妙元齊啼哭  
叫聲同胞共母人○大哭一聲乾坤動○舌上一聲鬼神驚  
午時已到來斬首○諸神暗中顯威靈○金瓜武士殺氣勇  
鋼刀出鞘白如銀○將手朝上來一舉○鋼刀斷得幾節零  
斬官一時慌張了○即刻回宮見當今○跪在宮門來啟奏  
尊聲萬歲聽原音○公主斬首神保佑○鋼刀斷得碎紛紛  
莊王聽得這句話○罵聲狗奴欺寡人○你把鬼話來哄我  
其中必定有弊情○吩咐武士綁下去○一同斬首不容情  
霎時斬官頭落地○鮮血上冲甚驚人○斬官今遭冤枉死



三魂七魄陰府行。莊王又把令傳下。賜下七尺大紅綾。斬他不死。須當絞。要除禍害這妖精。公主一見紅綾到。兩眼流淚痛傷心。大任大屈大結果。受此磨難證高真。紅綾縛於公主頸。吩咐緊手莫鬆刑。武士就對監官稟。公主頸項似鐵銼。監官一見慌張了。心驚胆戰嚇散魂。話說公主自思。嘆曰。今絞刑不傷我體。莫非有神護佑。先前監官為斬我首。不死而亡。父王又賜紅綾來絞。如若絞我不死。監官又有殺身之禍。開言稟告諸神。我前世造下孽。今修大道。受此惡報。請眾位神聖。不必遮攔。要遵父命。公主稟告畢。恍然之間。見崑崙山黃龍真人。同靈山須菩提而至。黃龍真人曰。咱奉瑤池金母法旨。言慈航尊者。該有斬絞之災。特同靈山須菩提。引慈航尊者歸家。朝見四尊三佛。得會母面。眾當依行。眾佛真齊曰。遵領法旨。眾位佛尊空中議論。一切不表。且言監斬官見武士稟報。一時心內着慌。定神一時待我親自動手。頃刻之間。虛空雷鳴。公主咽喉氣絕。一靈真性。從玄關透出。光華宇宙。不覩不聞。丈六金身。公主哈哈。

笑曰。無相却有相。得見真模樣。色身紅綾絞。現出萬道光。拱手見諸佛。足踏金蓮上。黃龍真人命太白星君。遣動神虎將。公主形骸送於松林。衆人見大風陡生。現出一隻猛虎。盡皆赫退回報。皇宮一切不表。單言黃龍真人與衆位佛尊將公主引至崑崙山。時有一童子進前迎接公主。童子言道。四位天尊已往靈山。黃龍真人曰。既天尊去往靈山。我等必須快去。霎時之間到了靈山。公主舉目內觀。只見雨散天花。地湧金蓮。耳邊聽得笙簫鼓樂。鐘鼓齊鳴。異景非常。祥光靄靄。瑞

氣騰騰樂在其中。美不盡言。恍惚之間進了大雄寶殿。有道行。道德。靈寶。元始。四位天尊並路而行。黃龍真人叫聲公主。參見四尊。公主曰。遵命。口稱弟子妙善。參拜四位天尊。聖福無疆。四位天尊曰。公主平身。挽手相會。三佛共登大雄寶殿。妙善公主又參叩。三佛如來。三佛齊曰。叫慈航。你平身。細聽吩咐。為衆生這場事。苦楚嗚呼。東土人貪酒色。本性迷悞。紅紗罩六根。迷失却明珠。想我等見衆生紅塵悲苦。下東土去度他。反遭欺呼。

教行善說修煉他言怪古○逞奸雄殺淫盜他偏拱扶○  
分三教著經典指引迷路○遭誹謗受刑拘脫殼回無○  
臣不忠子不孝天理不顧○立三官定善惡設出鄴都○  
設城隍分府縣善惡不漏○派閻君立地獄刑法張鋪○  
為眾生費盡了無限辛苦○定轉輪分六道報應不糊○  
你今番下東土受此屈苦○証中天大果位萬古名書○  
但你的愿未滿還有事務○往地獄看一看善惡不虛○  
此一去借假體勤把道悟○功行滿命接引來下丹書○

話說公主叩謝聖恩黃龍真人又將公主引至無極宮中參  
見金母公主覩見金母慈容伏首於八寶蓮座之前口稱  
妙善叩拜瑶池金母無極天尊受福無疆金母曰慈航聽  
吾吩示混元一炁開始列分三才五老淘鎔後嬰兒下瑤階  
遍滿九洲地酒色與氣財花花假世界原人盡迷埋你本洪  
愿大度回原人來一朝功行滿同吾座蓮臺公主曰叩謝  
金母慈恩瑶池金母曰叫黃龍你與金童玉女引妙善觀  
看各獄善惡報應送他還陽指惺眾生候功行圓滿吾自有

丹書來詔。切莫有悞。黃龍真人。金童玉女。齊曰。欽領法旨。公主叩拜。金母出了無極宮中。退至靈山。公主難捨勝景。坐在盤陀巖上。嘆道。一番法場。斬色身。幸遇黃龍臨靈山。須菩提。接吾上崑崙。轉至靈山地。得會四天尊。同行大雄殿。朝見三佛真。指惺當來意。三教治乾坤。談叙東土苦。句句是真情。黃龍大慈悲。引我見娘親。一片金言語。點破我來因。觀看八寶地。金色世界形。耳聽笙簫樂。恍惚妙中音。無人無我相。無壽無眾生。快樂真揭諦。波羅意中明。這些真實味。世人不肯尋。識得此中理。纔算靈山人。話說黃龍真人曰。叫聲公。主。快離靈山勝景。公主曰。遵命。速行。不覺一時來至陰陽地界。乃三曹法官座管關口之所。黃龍真人曰。金童前去報名。金童曰。領命。金童進前。來到門首。裏有看門鬼使。觀看金童。毫光彩彩。諒必西方大仙。問道。大仙到此。所為何事。金童言道。吾乃瑤池宮中。金母座前童子。同黃龍真人奉金母法旨。引妙善公主。觀看各獄。敢煩通報。鬼使曰。奉命待我。進去稟報。金童曰。快去報來。鬼使進內。稟三曹法官。時有

西方黃龍真人奉 瑤池金母法旨。引妙善公主。要觀看各  
獄之事。三曹法官聞聽。忙排香案。迎接佛駕。黃龍真人同公  
主行至內閣。公主問三曹法官曰。此處設立關口。所管何事。  
三曹法官稟道。凡人歸陰。到此點名掛號。考究善惡。纔好詳  
文發落。如修善之人。功德全備。心性純良。發往天堂受職。依  
功果而為神道。受享香烟。如善功未滿。由一殿逕發十殿。然  
有八殿不到。至十殿依善功發放。註定衣祿。或富或貴。受享  
洪福。如過多功少。將功折過。以過之多寡。即發於各殿諸獄。  
依過受罪。輕重不一。亦有功過兩平。即發往十殿。投生陽世。  
衣祿缺限。貧苦為人。公主曰。此一關口。可算煩關。想你等亦  
有陞降否。法官曰。如考查分明。辦事勤勞。有功者。上帝依  
功陞賞。如善惡有錯。亦要降職問罪。公主曰。我聞陰府有孽  
鏡臺。照人陽間所作之事。善惡一一照出。可是真否。法官曰。  
果有此事。原非虛語。黃龍真人曰。煩法官與我通知。一殿少  
時。法官回稟曰。小牧奉命通報。王爺聞知。現在等候。公主曰。  
既是如此。就此告別。法官送駕。行不多遠。忽來一官長。迎接

佛駕。公主問曰。你是何人。答曰。小牧乃管鬼門關的判官是也。奉一殿王命。前來迎接佛駕。公主曰。有勞費心。行之不遠。來至孽鏡台前。只見一個紅髮鬼兵。青面獠牙。拿着一人。跪在臺前。上有一鏡。那鬼兵指手指脚。傍有一官人。手拿簿筆。點頭書寫。公主問曰。此是何故。判官曰。此人在生。所作罪過。不肯認承。在此照他生前之罪。判官傍書記掛。以便發於二殿受罪。公主曰。却是此理。且走且叙。來至一殿。秦廣王聞聽。二真人到。出殿迎接。直至殿上。分賓主坐下。閻君曰。接駕來。

連望乞。怨罪。二真人齊曰。豈敢黃龍真人曰。我奉瑤池。

金母法旨。引妙善觀者各獄。望乞指示。閻君曰。小王管理鬼門關。陰陽界。孽鏡台。考查善惡。分發之事。刑獄受苦。解往二殿施行。公主聽畢。抬頭觀看殿上。橫匾四字。曰。第一關頭。旁有對聯。曰。孽鏡分明。巧計千般難掩蔽。夜台淒楚。公侯極品。不相饒。公主曰。請問閻君。我看前殿座者。喜笑。跪者痛哭。是何故也。閻君曰。那身穿藍衣之人。姓劉名培善。一世體天地。好生為心。施濟貧苦。始終如一。身穿青衣者。姓江名修德。一生。

敬惜字紙。誦持經典。食齋戒殺。修橋砌路。終身不怠。那穿色  
衣者。姓張名知悟。先三十年。不知善惡。造過不一。至三十一  
歲。遇至人提惺。立願誦太上感應篇。周濟困苦。行功遇格。樂  
善不倦。今至七十二歲而終。那穿青破衣者。姓徐名立志。自  
幼食齋。家貧苦。力行善。至死不二。那穿藍衣女士。王門洪氏。  
丈夫學習屠戶。伊苦口勸善。早晚告天求夫回心。不做殺生  
之事。伊夫見妻苦勸。改過從善。全家齋戒。此五人依律而定。  
早已詳文。只候令下。送上天堂。因此心喜。若那身穿朝服。跪

哭痛切者。姓侯名復緣。伊前生貧苦。心性好善。孝順父母。長  
齋四十二年。施有草鞋三百七十一雙。自身勤苦。培修崎嶇  
之路。四處始終如一。感格天心。死後將他送於侯家。投生定  
他公卿之職。八十六歲善終。誰知伊有了富貴。迷昧本性。從  
縣尹做到上卿之職。欺君虐民。持權害人。冤傷十九人性命。  
打死兩個家人。害人破家六十三戶。貪圖口腹。殺害牲物三  
十七萬有零。減壽二紀。減功名一級。今六十二歲身故。那身  
穿藍服跪哭者。姓李名茂亭。身列儒林。不習正道。刀筆傷人。

仁義忠孝全無。佛口蛇心。此二名罪犯。不時就要發往二殿受罪。故爾悲痛甚切。公主聞此情由。對眾嘆道一番。

今妙善座冥府堪嘆乾坤。觀陰曹這善惡賞罰均平。人一死這靈魂陰曹而進。陰陽界有三官掛號點名。有判官置筆簿善惡評定。功者功過者過孽鏡為憑。有善德雖貧賤閻君欽敬。賜座位面叙談喜笑相迎。若作惡即富貴閻君惱恨。受刑罰也不論王侯公卿。天堂樂地獄苦兩條路徑。樂與苦由心造自作自承。

劉培善與修德江氏為姓。座閻羅寶殿前鬼敬神欽。張知悟自作惡遇人提懼。遵太上感應篇功過格行。不但把前孽消還有吉慶。有徐昌家貧苦立志真誠。洪氏女勸丈夫改惡從正。一家人盡勸善拜佛持經。這五人上天堂快樂常靜。可嘆這侯復緣自迷前因。不忠君害黎民天理滅盡。短陽壽減官級還有獄刑。勸世人去前惡修德要緊。來陰司任隨我擺搖遊行。話說黃龍真人叫聲公主我等即此告別。往二殿去罷。公主



曰。遵命。秦廣王曰。未曾遠送。恕未陪駕。一路談叙不表。霎時之間。來至二殿。楚江王聞聽冥官報道。二真人駕至。吩咐作樂。出殿迎接。四人至堂上。分賓主坐下。王曰。不知真人駕臨。未能遠迎。望乞恕罪。二真人曰。豈敢。黃龍真人曰。我奉瑤池金母法旨。引妙善公主。往各獄一望。公主曰。請問閻君所管何樣地獄。望乞指示。王曰。小王司掌大海之底。正南沃焦石下。活大地獄。此重縱廣五百由旬。另設十六小地獄。公主觀着殿上。掛有一匾。上寫四字。曰。摸心自問。側有對聯。白心似箭。笑藏刀。到此纔知刀箭苦。牢從牛獄夾犬。何修得免犬牛身。黃龍真人曰。煩閻君指我等。往各獄一望。王曰。遵命。遂引二真人至刀鎗山。諸地獄而觀。

公主觀着刀鎗山。○慈悲一見心膽寒。○男女悲哭咸叫苦。刀鎗形景似竹山。○閻君當時回言告。○此等為人大不端。狼毒刁咬離骨肉。○強騙人錢使人難。○且說且走別獄去。來到凶陡油滑山。○公主抬頭來一望。○油滑山上罪苦難。男女至此不肯去。○鬼兵拿着拋上山。○跌跌倒倒皮肉破。

血流山上真難着。閻君又對公主講。此等造罪實不堪。  
誹謗佛道滅天理。死後要上這座山。公主點頭是如此。  
再行別獄着。一番。行至又殺地獄處。只聽哭悲好心酸。  
公主又將閻君問。此等兇惡不非凡。閻君即對公主講。  
乃是婦人心性頑。不孝公姑磨前子。為人刻薄心毒讒。  
死後要受這罪苦。想轉人身難上難。公主點頭再別走。  
斬截地獄在其間。將人綑綁用刀割。不分貴賤依罪單。  
公主請問這地獄。閻君答曰叙一番。這些罪犯因果昧。  
自行欺天起痴貪。公主觀之心不忍。轉成十字度苦難。  
妙善女觀地獄雙淚流下。這地獄一重重人都嚇煞。  
看黑雲沙地獄心驚胆怕。糞屎泥小地獄悲苦堪嗟。  
五叉獄與饑餓痛苦更大。銅釜盆是兩獄惡鬼擒拿。  
鐵鎧獄幽量獄小獄司卡。雞小獄灰河獄苦難更加。  
孤狼獄寒冰獄真果不假。勸世間男和女修善為佳。  
日三省夜九思自把自化。三教經細體行自然無差。  
吾行善到陰司閻君陪駕。不過是棄紅塵不戀榮華。

思這些地獄苦放心不下。○提一提彌陀佛超度與他。○  
一霎時電光閃諸獄變化。○衆惡獄就成了金霞蓮花。○  
衆鬼使沾吾光超生去罷。○改心田學善人靠定菩薩。○  
話說黃龍真人叫聲公主曰。二殿鬼魂已度往三殿去罷。公  
主曰。遵命。楚江王曰。小王未能遠送。望乞恕罪。一路談叙不  
表。不覺來至三殿。宋帝王聞聽二真人駕臨。吩咐音樂相迎。  
將四人接至大殿。分賓主坐下。王曰。不知真人駕臨。有失遠  
迎。望乞恕罪。二真人齊曰。豈敢。黃龍真人曰。我奉瑤池金

母法旨。引妙善往各獄一望。公主曰。請問閻君所掌何樣地  
獄。王曰。小王司掌大海之底。東南沃焦石下。黑繩大地獄。此  
重縱廣五百由旬。另設十六小地獄。公主仰觀殿上。橫匾上  
寫四字曰。見個明白。側有對聯曰。平稱豈無權。毫釐不爽。例  
懸休望解。報應攸分。黃龍真人曰。請問君指引我等往各獄  
一望。王曰。遵命。遂引四人同行。至各獄觀看。來到弔腳地獄。  
公主觀看鬼兵將人左手右足倒弔。叫苦悲聲。公主問曰。這  
是生犯何罪。王曰。此是陽間怨天憾地。恃強欺弱。謀卡田產。

等犯死後均受此刑。往進一重。來至掩目地獄。公主朝內一  
看見青面獠牙鬼使將人網於鐵柱之上。用鐵鈎挖人兩目。  
形相難看。公主問曰。此是生犯何罪。王曰。此是在世不敬惜  
字紙。不明地理。妄改祖墓。或邪目邪心。窺人妻女。眦睚必報  
等犯。死後均受此刑。又來至平稱臺邊。公主舉目一觀。見臺  
上將人用秤稱量。判官筆簿記掛。公主問曰。這是生犯何罪。  
王曰。此乃在世大斗小稱。穀米毛濕。用盡機謀之人。到此用  
稱。紀其罪之大小。輕重發往各獄受罪。公主前行。又來至剝  
皮地獄。見鬼使將人縛於柱上。用刃剝皮。鮮血淋淋。公主問  
曰。此是生犯何罪。王曰。此乃在世。敲傷人命。挖揚墳墓。持勢  
嚇詐。死後均受此罪。公主觀看各獄。刑苦對獄。嘆息一篇。使  
眾聞法。吾好超度於他。

奉勸世人心。須正。怨天憾地。切勿行。天覆地載。恩難報。  
化生萬物。養羣生。恃強欺弱。謀田產。忠恕二字。怎麼行。  
此等罪過。陰律定。死後要受倒吊刑。不敬字紙。罪不小。  
糊窻裱殼。造孽深。地理不精。休妄作。改壞祖墓。害子孫。

見人妻女邪言戲。三等罪過亦不輕。死後要入挖目獄。鐵鈎挖目鮮血淋。秤斗切勿用兩樣。出輕入重過難云。米穀毛濕善用計。欺心昧理惱上神。二等罪過陰律載。平稱台上定罪刑。恃勢殺人不可做。陽律可逃陰律存。貪財挖墳盜人墓。恃勢倚強嚇詐人。三樣罪過陰律定。要入剝皮地獄門。將人綁在鐵柱上。鬼兵克惡甚驚人。用刀把人皮來剝。鮮血下流苦難明。陽間由人強辨別。陰曹法律不順情。十六小獄真果苦。勸人總要體天心。吾觀獄苦心何忍。顯個佛法度眾生。合掌默提無量佛。運轉天河道烝凝。呼提一舉乾坤動。毫光照徹地獄明。一切刑拘盡變化。惡獄化作白蓮城。諸鬼冤罪皆消解。沾仰佛光得超生。

話說黃龍真人叫聲公主。三殿鬼魂已度。往四殿去罷。公主曰。遵命。宋帝王曰。小王未能遠送。就此告駕。不多時來至四殿。五官王聞聽判官報道。二真人駕臨。吩咐作樂相接。將四人一直迎於大殿。分賓主坐下。王曰。恕小王接駕來遲之罪。

二真人曰。豈敢。黃龍真人曰。我奉理池。金母法旨。引公主往各獄一望。公主曰。請問閻君所掌何樣地獄。王曰。小王司掌大海之底。正東沃焦石下。合大地獄。縱廣五百由旬。另設一十六小地獄。公主仰觀殿上。掛有一匾。上寫四字。曰。誰瞞過我。側有對聯。曰。萬慮成空。自昔漫言得意。一寒至此。於今怎好翻身。黃龍真人曰。請問君指我等往各獄一望。王曰。小王遵命。遂引四人同行。至各獄觀看。不覺行至燒手地獄。公主舉目一觀。只見鬼使將人手捉在火中焚燒。公主問曰。此是生犯何罪。王曰。此乃在世造賣假藥。不辨藥性。誤人性命。以及一切偽造假貨。銃打禽獸等犯。死後均受此刑。言畢。又走來至削筋地獄。鬼使將人縛於架上。削去其筋。寸寸裂斷。公主問此是生犯何罪。王曰。此乃唆人爭訟。誘人嫖賭。掘人墳墓。散人骨肉。以圖自便。死後均受此罪。正言間。公主遠遠望見亂石成堆。鬼使將人埋於石內。悲苦痛切。公主問曰。那是生犯何罪。王曰。此乃謀奪財產。假公濟私。侵喫捐項。欺瞞肥己。死後均受此罪。且叙且走。忽見陰風凜冽。寒凍徹骨。公

主抬頭一看。乃是一池寒冰。鬼使將人拋在池中。令其殭凍。公主問曰。此是生犯何罪。王曰。此乃釣取蝦蟆。毒害魚鼈。殺傷性命。偷竊衣服。強佔基業。各犯死後。均受此罪。公主又往前進。來至刺嘴地獄。只見鬼使將男婦捆綁。用針刺嘴。痛苦難當。公主問曰。此是生犯何罪。王曰。此乃陽間強舌之人。好造口孽。變亂黑白。說是道非。等犯死後。均受此罪。公主一一看畢。不覺嘆息一番。超度他們。

五人同行觀。幽冥。耳聞冤鬼悲哭聲。吾今舉目來觀者。燒手地獄。用非刑。販賣假藥。將人害。打銃傷生。同罪名。造賣假貨。將人哄。二等罪過。陰律存。死後要入燒手獄。勸人早改。切勿行。唆人爭訟。平古墓。引入嫖賭。罪不輕。掘人墳墓。散骨肉。五等罪過。造孽深。死後要受削筋獄。削筋碎骨。痛苦情。或貪財產。假公濟。或借神明。募化人。此等罪孽。亦不小。死後亂石埋其身。或釣蝦蟆。毒魚鼈。天地好生。不體行。或偷衣服。把人害。死後要墮冷寒冰。男婦強舌。造口孽。變動黑白。唆哄人。死後要入刺嘴獄。

鬼使鐵針搗嘴唇。吾觀刑法心悲切。叫衆冤鬼聽我論。  
有緣遇吾來超度。往生陽世學好人。凡事須當存天理。  
忠恕二字細體行。要明陰功何行積。舉念為衆慈悲心。  
若能立志修大道。方寸山谷細搜尋。果能始終無懈怠。  
誠心自可感天庭。無字真經咱提動。毫光閃灼地雷鳴。  
地獄刑拘盡化解。恍惚蓮花現幽冥。冤鬼沾光齊超脫。  
哈哈大笑彌陀尊。

話說黃龍真人曰。公主。四殿地獄冤鬼已度。往五殿去罷。公  
主曰。遵命。五官王曰。小王未能陪送。就此告駕。不多時來至  
五殿。閻羅天子聞聽冥官報道。二真人駕臨。吩咐作起笙樂。  
將四人接至森羅殿上。分賓主坐下。王曰。未知真人駕到。未  
曾遠迎。望乞恕罪。二真人曰。豈敢。黃龍真人曰。我奉瑤池  
金母法旨。引妙善公主。往各獄一望。公主曰。請問閻君所掌  
何樣地獄。閻羅天子曰。小王司掌大海之底。東北沃焦石下。  
叫喚大地獄。並十六誅心小地獄。公主觀看殿上。掛有橫匾。  
上書饒過誰來。側有對聯曰。盼甚鄉關。此日心將剖矣。對茲



鐵案。當年舌尚在乎。黃龍真人曰。煩閻君指示我等一望。王曰。遵命。遂引四人同行。各獄觀看。行至一獄。見鬼卒將人綁於柱上。用燒滾銅汁灌入口中。齒落舌爛。公主問曰。此是生犯何罪。王曰。此乃好談閨閣。破人婚姻。捏造誣言。誹謗善人。及為官私受賄賂。枉屈正直。冤枉殺人。罪犯到此。即有冤鬼索命對証。不認將銅汁灌口。始得招承。以便發落諸獄受罪。談叙之間。從一台邊經過。上書望鄉台三字。只見鬼兵押着一羣罪犯。指手指脚。哭哭啼啼。鬼兵旋即扯下臺來。公主問曰。這是何故。王曰。此乃在世利鎖名韉。不思積德修善。死後猶思念妻孥兒女。難捨難忘。思得一見甘心。故爾押着上臺一望。鄉關如在目前。其或子孫不肖。零落難堪。或苦苦掙下財產。後代穿喫嫖賭。聲勢熱鬧。全不思父母陰中受苦。故此一望悲痛。始悔生前未行善功。不知脩積之錯也。公主點頭前行。未至挖心獄邊。鬼使將人綁於柱上。用刀挖其心肝腸肺。鮮血滿地。公主問曰。此是生犯何罪。王曰。此乃在世不信正道。誹謗聖賢。侮慢仙佛。見人學道。勸人開齋。以及僧道不

守戒律。飲酒食肉。不求修行之路。死後均受此罪。公主一一  
看畢。不覺慈心悲念。說法一篇。超度於他。

公主就對閻羅講。○响觀地獄真淒涼。○為官貪財將人害  
誣傷良民罪難當。○冤鬼陰曹來等候。○五殿臺前訴端詳  
對審不認銅汁灌。○外加鐵捶打身傍。○好談閨閣破婚者  
暗造惡言謗善良。○三等罪愆陰律載。○死後非刑定。○  
銅汁灌口真果苦。○勸人改過體天良。○教人開齋。○淺  
僧道食葷過非常。○死後要入挖心獄。○碎其心肝抽肚腸。

七字頭上添三字。○傳成十字化善章。○

妙善女遊五殿心驚胆怕。○只見這冤魂鬼扯扯拉拉。○  
將罪定押獄中刑法拷打。○有牛頭與馬面人都嚇斂。○  
觀望鄉一座台獨立高架。○男共女站台上痛哭悲嗟。○  
有鬼使指着人一一看罷。○觀見那家中人喜笑喧嘩。○  
看過了那惡鬼將他拉下。○依罪過輕與重刑拘惡押。○  
教世人在陽間聽善勸化。○臣盡忠子盡孝莫犯律法。○  
陽間時由橫行自高自大。○欺善良罵長上還將自誇。○

那孝弟與忠信仁義之話。○陽可違陰難恕。甘墮輪車。○  
吾今日將爾等超度去罷。○轉陽世須行善脩身為佳。○  
要思這地獄苦刑拘拷打。○訪善人求玄妙。脩煉丹砂。○  
我在此默一默。如來佛駕。○三車轉黃河。逆普放光霞。○  
一霎時地獄刑盡皆變化。○呼吸我南無佛。就現蓮花。○  
眾冤鬼沾佛光。一齊脫化。○免去了地獄刑凶惡銅叉。○  
話說黃龍真人曰。叫聲公主。五殿鬼魂已度。往六殿去罷。公  
主曰。遵命。閻羅天子曰。小王未能陪送。就此告駕。行走之間。  
不覺來至六殿。卞城王聞聽判官報道。西方二真人駕臨。急  
命作鼓樂。出階迎接。將四人迎至大殿。分賓主坐下。王曰。未  
知駕到有失迎迓。望乞恕罪。二真人齊曰。豈敢。黃龍真人曰。  
我奉瑤池金母法旨。引妙善公主。各獄一觀。公主問曰。請  
問閻君所掌何獄。王曰。小王司掌大海之底。正北沃焦石下。  
無地獄。廣大五百由旬。四圍另設十六小地獄。公主朝上。  
觀看。見上面掛有橫匾。上寫四字。曰早知如此。旁有對聯曰。  
天畀爾以仁。爾把良心喪去。帝勅予之法。予憑公道治來。黃

龍真人曰。煩闍君指引我等。各獄一望。王曰。遵命。遂引四人。觀者各獄。來至腰斬獄中。見鬼卒將人腰斬。分為兩段。公主問曰。此是生犯何罪。王曰。凡人在世。忤逆不孝。毀罵尊長。假設圈套。拐騙銀錢等犯。死後均受此罪。連步前行。又見無數鬼卒。割人舌頭。撬出心肝。公主問曰。這是甚麼罪犯。王曰。此乃在世。姦人孀婦。閨女。自為得意。反對人言。敗人門風。死後悉受此刑。風吹還魂。發往各殿受苦。苦盡投生。陽世為娼妓之身。雞犬之類。羞恥不顧。正行之間。忽聞腥血酸鼻。乃是一般鬼卒。將罪人裝在碓臼。如舂米一樣。公主問曰。此是甚麼罪孽。王曰。此乃公門之中。借勢作威。索勒銀錢。死後來在碓舂。地獄受罪。行不多時。來在鐵磨地獄。公主抬頭一看。只見一人。塞在磨口。鬼兵二人。團團推轉。骨碎血流。公主問曰。這是甚麼罪孽。受此慘報。王曰。此乃狐僧野道。採戰邪淫。紅鉛閨丹。假術惑眾。妄談玄妙。死後均受此罪。公主見此。克惡嘆息一番。好度他們超生。

五殿度亡來六殿。六殿刑法更森嚴。陽世拐騙將人害。

設成圈套詐銀錢。忤逆不孝辱尊長。三等罪過實可憐。  
歸陰要受腰斬獄。失却人身墮九泉。強姦孀婦並閨女。  
自為得意對人言。割出舌頭挖心苦。罪滿為娼受顛連。  
僧道淫行妖邪術。假道惑人妄談玄。來陰鐵磨真悽慘。  
不知果報失良緣。惟有公門能造孽。貪圖財物昧心田。  
死後要歸碓舂獄。惡鬼扯定口難言。地獄受苦諸冤鬼。  
無有一個是良賢。今日遇吾來度化。轉生須當培心田。  
舉念就把彌陀請。倒轉崑崙性光圓。佛日增輝法輪轉。

金光燦爛照幽泉。惡獄霎時即改更。獄刑化作紫金蓮。  
諸鬼沾光皆起度。個個合掌笑連天。叮嚀鬼眾聽吾語。  
切莫迷昧又遭愆。

話說黃龍真人曰。叫聲公主。六殿鬼魂已度往七殿去罷。公  
主曰。遵命。卞城王曰。小王未能遠陪。望乞恕罪。二真人一路  
行來。不覺來至七殿。判官通報。不一時。笙簫鼓樂。七殿泰山  
王降階拱手迎接。四人直至殿上。分賓主坐下。王曰。未知二  
真人駕臨。有失遠迎。望乞恕罪。二真人齊曰。豈敢。黃龍真人

曰我奉瑤池金母法旨引妙善公主各獄一望公主朝上  
觀看見上掛有一匾上寫四字何苦乃爾旁有對聯一幅上  
寫機事機心當時空使千般計惡緣惡報此地難容半點情  
公主看罷即問閻君所掌何獄王曰小王司掌大海之底西  
北沃焦石下熱惱大地獄縱廣五百由旬並設十六小地獄  
黃龍真人曰煩閻君引我等各獄一觀王曰遵命遂同真人  
等觀看各獄行至油鍋地獄見鬼使燒得油湯沸沸將罪人  
叉於鍋裏公主問曰此是生犯何罪王曰此乃糾眾搶劫惡  
賊害人或毀折橋樑古廟佛像或屠宰牲物營生死後均受  
此罪公主前行觀看左廊獄中鬼使將人綁於柱上用刀破  
其肚腹抽去其腸公主問曰此是何罪王曰此乃筆傷人庸  
醫喪命凡神會演戲不點忠孝節義之事鼓勵風俗偏點那  
風流邪淫之文使男女動情以假作真節義難全故爾死後  
均受此刑轉過右廊又見鬼使將人縛於柱上脚登胸堂用  
鐵鈎搭去其舌割為兩斷公主問曰此是生犯何罪王曰此  
乃喜作淫辭歌曲誹謗聖賢沿門唱演使男女聚聽敗壞風

俗。或婦女怨天恨地。打奴罵婢。夫無子嗣。娶有偏房。心起嫉妒。兇惡潑悍。如此等犯。死後均入拔舌地獄。受罪。公主看畢。談叙之間。有判官報道。言功曹捧有佛旨。泰山王聞之急。忙迎接旨意。請問功曹何事。功曹曰。有胡存德之妻。胡修音之母。張氏。前生本性迷昧。造下罪孽。死墮地獄。其子修音。見返本還原。積功脩德。感動如來。詔下靈霄。命吾接引張氏。天地門安養。我自六殿查號。言其解至七殿。血湖獄來。某日。請真人一同前去觀看。一路談叙。不表單言。功曹捧西天。趨幽法旨。來至血湖獄外。叫聲胡存德之妻。胡修音之母。張氏。聽讀超度佛旨。張氏俯首跪聽。功曹開詔讀曰。人稟乾坤。陰陽資生。父情母意。兩情合真。精施血合。二炁聚疑。恍惚杳冥。神感天心。三家會合。結就靈嬰。內藏二五。妙合虛靈。渾然一團。太和氤氳。勿忘勿助。呼吸育清。十月胎足。團地一聲。先天炁收。後天氣興。霹靂開太極。現出光明。性本相近。習之遠分。由近而遠。由遠而昏。三家折散。識神為君。元神迷

時失却本真貪食濁物昏迷本根醉生夢死不知來因爾子  
行善得遇光明指示玄牝知覺性根採鉛添汞去濁留清恍  
兮惚兮性復全真修養中和五行相親視而不見聽之無聲  
日就月將水火平均結就黍米靈臺有音動徹晃朗妙道威  
音光遍宇宙氣塞乾坤提聲彌陀爾魂沾恩靈霄旨下得出  
獄門金光速現蓮花上昇一篇法語度人真經知者成仙得  
者作真躲離地獄極樂安身欽哉毋忽

爾時功曹讀罷詔書忽見天光下照血湖池中現出一朵五

色蓮花張氏座在其中天衣罩體祥光捧昇功曹引在天地  
門安養公主看見胡張氏上昇言道果真善惡不虛嘆道番  
咱觀這七殿王所掌刑境○那法度克疊疊實實駭人○  
在陽世劫搶人偷盜邪徑○屠殺賣傷生靈肥口營生○  
折橋樑毀古廟甘迷心性○此三等死歸陰油鍋受刑○  
習刀筆慣害人違背聖訓○作醫生理不精把人命傾○  
世俗內神聖會演戲為敬○不點那忠節孝單唱邪淫○  
使男女視之者慾心難禁○此三等死歸陰抽腸淒情○



將人的那腸肚刀割碎粉。勸世人早改悔免此獄刑。又狂徒作淫辭誹賢謗聖。使男女聽唱戲壞人閨門。或者是婦女們不遵教訓。怨天地罵風雨欺慢神靈。夫無嗣娶偏房他不依順。起嫉妒時爭鬧家庭不寧。又或是磨奴婢由己情性。此四等罪孽事陰律註明。到死後閻君爺一一考審。發之在拔舌獄苦况難聞。世間人好溺女這庄要禁。天生之人殺之惱恨天心。婦女們身五漏不知乾淨。凡血水臭穢污不擇地傾。在陽世不知覺一概糊混。死歸陰坐血湖要你喫吞。可羨這胡張氏算有緣分。得一個胡修音立志修真。幸遇了光明師指示玄牝。積功德培心田德感天庭。上帝爺降赦書九祖僥倖。血湖獄有功曹捧詔來臨。把赦旨將讀畢蓮花現定。胡張氏座蓮花喜笑歡欣。一霎時雲托起功曹接引。喜哈哈脫獄苦冉冉上昇。那張氏天地門安養樂靜。候伊子功圓滿同座蓮京。勸世人要盡孝修行為本。超九玄拔七祖齊離幽冥。

功圓滿先亡祖同登蓮品。稱孝子稱賢孫萬古標名。天人仰諸佛愛喜笑相迎。天地間這報應不差毫分。我今觀衆獄鬼悲苦受盡。今日裏不超度怎麼忍心。教衆鬼聽吾言各宜心懼。超度你轉陽世湏學好人。切不可自迷昧陰德傷損。要思這獄中苦百種嚴刑。待我把衣鉢顯彌陀聽令。南無佛提一提逆轉乾坤。各地獄頃刻間都皆變盡。一重重化成了五色蓮城。衆鬼魂沾佛光超昇樂境。投東嶽候發落陽世超生。

話說黃龍真人曰。叫聲公主。七殿鬼魂已度。往八殿去罷。公在回邊命泰山王曰。小王未能陪送。就此告駕。一路談叙。不表不多時。來至八殿。平等王聞聽判官報道。二真人駕至。吩咐作樂迎接。將四人迎至大殿。分賓主坐下。平等王曰。小王接駕來遲。望乞恕罪。二真人齊曰。豈敢。黃龍真人曰。我奉瑤池金母法旨。引妙善公主。各獄一望。談叙之間。公主觀着殿上橫匾曰。悔已遲了。側有對聯曰。能離此個關頭。纔成漢子。若到這般模樣。豈是丈夫。公主曰。請問閻君。所掌何獄。王

曰。小王司掌大海之底。正西沃焦石下。大熱惱大地獄。此獄縱廣五百由旬。另設十六小地獄。黃龍真人曰。請問君指引。一觀。王曰。遵命。遂與四人同往。行至火山獄。公主與眾舉目觀看。只見火燄非常。幾個鬼兵將人用鐵叉叉於火中。悲苦難看。公主曰。請問閻君。此是生犯何罪。王曰。凡人在世。不體天地好生之德。放火燒山。山中一切生靈。傷於他手。或欺逼孤寡。或貪圖口腹。忍傷生物。烹調異味。毫無禁止。又無善功。超度生物之罪。如此等犯。死後均受此罪。觀罷。又行。至於炮烙獄。見一鬼兵將人捉抱於火炮之上。公主問曰。此是生犯何罪。王曰。凡人生前。挾讎毒斃。陰險謀殺人命。或學習燒腊。傷生不堪。如此等犯。死後均受此刑。言畢。又往鐵牀地獄。公主舉目內觀。只見那紅髮青面鬼兵將人放於鐵牀上。用鐵板壓之。七孔血流。叫苦悲哀。公主問曰。此生犯何罪。王曰。此在生高談闊論。利口狂語。戲侮聖賢。誹謗釋道。輕慢善良。言食齋戒。殺行善。是為異端匪類。或者逼人開齋。勸人破戒。阻人善路。或者婦人不守節操。背夫私奔。自行當娼。始終不知。

改悔。如此等犯歸陰均受此刑。言畢又行。復至於劈頭獄。公主問曰：那鬼兵將一男一女綁於柱上，大刀劈頭，鮮血下傾。此犯何罪？王曰：此乃陽間偏聽妻妾唆哄，不孝父母，不敬尊長，輕棄骨肉，刻薄待人，或事係冤屈，逼死人命，或棄妻寵妾，橫行莫制，不聽善勸，由己之性，始終不悔，死歸陰曹，均受此刑。公主曰：觀此獄刑法，甚是悽慘，不免嘆道：一番指惺冤魂迷途，度他們超生去罷。

奉勸世人莫燒山。○放火燒山傷生靈。○胎卵濕化皆有性，亦知怕死而貪生。○凌孤欺寡不可做。○為口傷生切莫行。飛禽走獸雖異類。○臨死之時叫悲聲。○三等罪惡陰律註。死歸火山受苦刑。○或挾私仇陰謀害。○暗中把人性命傾。勸人養子學好藝。○莫學庖人傷四生。○朝殺夕宰生物損。造成孽冤似海深。○兩等罪過陰曹定。○歸陰要受炆烙刑。奉勸世人息口過。○三教同心不二門。○倘若任口胡誹謗。佛祖雖慈自損因。○勸人開齋罪不淺。○阻隔善門造孽深。人為婦女節義重。○棄夫為娼罪不輕。○三等罪過陰律載。

死後鐵牀板壓身。○男女各當從正禮。○莫使偏見亂家庭。  
不可橫行作妄事。○二等罪過陰律存。○歸陰要墮劈頭獄。  
重重惡獄實傷情。○今番遇吾來超度。○轉生陽世莫昧真。  
舉念須當行陰德。○凡事三思畏鬼神。○吾今合掌彌陀請。  
運起無為骨髓經。○阿耨多羅舍利現。○毫光透徹顯威靈。  
地獄刑拘都改化。○蓮花朵朵色色新。○鬼魂沾光齊超脫。  
去到東嶽往投生。○

話說黃龍真人曰。叫聲公主。八殿獄魂已度。往九殿去罷。公  
主曰。遵命。平等王曰。小王天務不暇。未能陪駕。望乞恕罪行  
程。談叙一切不表。頃刻已至九殿都市王。聞聽判官報道。二  
真人駕臨。吩咐作樂迎接。將四人迎至大殿。分賓主座下。王  
曰。小王接駕來遲。望真人海涵。二真人曰。豈敢。黃龍真人曰。  
我奉瑤池金母法旨。特引妙善公主。各獄一觀。公主仰觀  
大殿之上。匾列四字。曰。也有今日。側掛對聯。曰。笑他用盡機  
關。仍歸地獄。看你有何商目。再到人間。公主看畢。曰。請問閻  
君。所掌何獄。王曰。小王司掌大海之底。西南沃焦石下。阿鼻

大地獄圍疊繞廣八百由旬。密設鐵網之內。另設十六小地獄。黃龍真人曰。請引我等一觀。王曰。小王遵命。遂引路同行。五人來至毒蛇鑽孔獄。公主舉目觀看。內有一池。池裏盡是惡蛇。只見那些男女叫苦悲嚎。克惡難看。公主即問閻君。此是生犯何罪。王曰。凡人在世。狼心毒惡。用盡機關。暗箭傷人。或打蛇攢龜。毒害魚蝦。生靈等罪。死來陰間。均受此刑。觀畢。又行之火坑獄。公主朝內一望。乃是一個火坑。公主問曰。此是生犯何罪。王曰。凡人在世。放火燒屋。劫搶財物。或為仕宦者。讀聖賢之書。違理橫行。貪財害民。曲直不分。無辜者受刑。令人痛苦難當。命終歸陰。悉受此刑。言畢。又往鋸鉞獄。公主向內觀看。只見紅髮圓眼鬼使。用兩塊大板。將人倒夾。用鋸下鉞。鮮血淋漓。甚是駭人。公主問曰。此是生犯何罪。王曰。此乃木匠石匠瓦匠。一切匠人。暗使邪術。令人傾家喪命。死後均受此罪。叙畢。復行至奈河橋邊。觀看河中男女。悲哭難聽。息氣難聞。見那座橋梁。危險異常。公主即問閻君。情由。王曰。此橋長有七十二丈。寬七寸二分。凡諸罪犯。生前不善。死後

要過此橋。寸步難行。一墮橋下。蛇狗嚼吞。罪滿孽風一吹。方還本體。解往十殿。較其罪之重輕。或投生貧苦。或發往畜道。若正直公平之人。心有善念。有童子引路。平平而過。或者生前戒殺。立誓齋戒。或隨時方便。利人利物。或持經念佛。創修廟宇。或刊刷聖賢經卷。替天行化。指人迷途。命終歸陰。行到此間。即有金童玉女。陪行足生祥雲。坦蕩運過。若得道高真。行到此橋。橋獻蓮花。公主聞之。曰。真乃天生之神機也。觀此地獄苦趣。待我指示鬼犯迷途。超度於他。脫離苦難。也不枉

我地獄一遊。

咱今日觀地獄。雙泪難忍。勸世人心。習善惡念。莫存。心存惡手。必毒害人。喪損。打龜蛇毒魚。懈其罪不輕。陰律載毒蛇。獄慘苦報應。到死後歸陰。曹要受苦刑。凡富貴與貧賤。各安本分。處富貴體。聖經法度。施行。切不可貪財物。曲直不定。昧天理。害良民。罪過深沉。居貧賤前。少修衣祿。有分。若放火與打劫。害人家傾。此二等罪過。事陰律註緊。候命終來。陰府火坑受刑。

勸手藝各匠人莫使法令。若害人自損德自害自身。來地府鋸鉞獄痛苦難忍。倒綁起用鋸鉞鮮血下淋。可嘆這奈河橋克惡苦徑。橋高長又險窄難步難行。悲念這男共女橋下飄滾。息薰薰惡蛇狗圍聚攢吞。是善人過此橋童女接引。有罪犯過此橋鬼不饒情。待我上這橋看是何情景。足踏橋現蓮花五色祥雲。默默提靈山佛波羅密運。觀自在行般若大轉法輪。毫光閃照地獄諸刑化盡。惡地獄變成了蓮花池形。衆冤鬼沾佛光喜笑恭敬。勸衆等轉陽世學習好人。要思這地獄苦刑法嚴禁。善惡報毫不爽你等知情。須學我生皇宮不迷天性。千萬苦不退志鬼敬神欽。只等候功圓滿了凡成聖。超九玄拔七祖快樂長春。話說黃龍真人曰。叫聲公主。九殿鬼魂已度。且往十殿去罷。公主曰。遵命。都市王曰。小王未能遠送。就此告駕。公主同四人一路行程不表。不多時來至十殿。轉輪王聞聽判官稟報。二真人駕臨。吩咐笙簫鼓樂。將四人迎接於大殿。分賓主座。



下。王曰。小王迎接來遲。望乞恕罪。二真人齊曰。豈敢。黃龍真人曰。我奉瑤池金母法旨。特引妙善公主。各獄一望。公主曰。請問閻君所掌獄事。王曰。凡問罪定刑。二殿至九殿掌理。獄事最繁。上帝頒令。賞善罰惡。不可錯謬。甚是森嚴。日夜查考。無有刻暇。我居幽冥。管理沃焦石外。正東直對世界五濁之處。設有金銀玉石銅木等橋六座。司各殿解到鬼魂。分別核定。發往四大部洲各處。為男為女。壽夭富貴貧賤之家。投生逐名。詳細開載。每月送交第一殿註冊。送呈酆都陰律所。定胎卵濕化。或無足。或二足。或四足。或多足等類。生化不一。公主曰。人墮胎卵濕化。可還復有人身之時否。王曰。待罪苦受滿。冤孽還清。亦復得人身。古經云。萬劫千生得個人。須知前世種來因。此身不向今生度。更向何時度。此身奈何世人不知。惺悟也。公主曰。聞說有罪之人。歸陰由二殿至九殿。獄刑森嚴。受此刑苦。魂魄靈性。一獄就磨散矣。怎麼當得殿殿地獄受罪。王曰。公主有所不知。罪人由二殿受刑。罪滿時。孽風一吹。又復還魂。如生。隨解往三殿受刑。殿殿如此。公主曰。

我聞陰曹設有枉死城。今我至十殿諸大地獄。與十殿諸小地獄一一遊遍。未見此城。王曰。此歸酆都大帝管理。公主曰。所管何等罪犯。王曰。乃陽間一種無知男女。或爭閑氣。或受冤屈。逞忿自盡。或圖賴騙赫。胡行捨身害人。傾家敗產。死後打入枉死城受罪。看他怎麼而死。每日受苦三次。疼痛難當。罪滿發往陽世投生。遭貧苦之報。輕重不一。若事關忠孝節義。守志不偏。捨身成全大義。天地鬼神無不欽仰。即可超昇天堂。依輕重受職。公主曰。我看陽間惡者竟獲福報。善者反遭禍報。王曰。惡者福報。乃人前劫陰功浩大。福祿先已註定。而後投生。今生他雖作惡。上天亦不能即降顯報之罪。候他福盡惡盈。方加其罪。善者反遭殃報。乃人前劫所造孽過。禍患先已註定。而後投生。雖他行善。冤要還清。上天亦不好阻。隔孽盡自有福生。金剛經云。若為人輕賤。是人先世罪孽。應墮惡道。以今世入輕賤故。先世罪孽。即為消滅。當得阿耨多羅三藐三菩提。公主問曰。我看陽間有一週二歲。或五六歲。有甚罪惡。怎麼夭壽而亡。王曰。此非今世罪孽。乃前劫為僧。

為道不守佛規飲酒食葷造罪多端死後將他受刑他即誦佛經典刑法不能制他只得發他投生與他有緣者借母懷胎長至一週二歲或五六歲即亡轉生數次候他忘却真言法語將他受罪名為化僧子天地之報豈有虛漏公主問叙之間望殿上橫匾四字曰回頭是岸側有對聯曰走到盡頭問何處可贖罪案分開兩路願世人莫犯天條黃龍真人曰請閻君指示六橋一望公主還陽普諭世人始知輪迴不虛王曰遵命遂引四人同行至孟家茶店只見男女出的出進的進公主看見一切男女在此喫茶內有鬼使叫公主喫茶王曰休得亂喚此乃妙善公主得受先天大道身有菩提舍利瓊漿八寶華精之茶一切鬼使聞聽此言即叩頭謝罪王曰爾等不知赦其無罪公主問曰設此茶店何故王曰凡投生為人從此經過必定口渴喫了此茶即忘前劫之事問畢行於轉輪車所公主舉目一望只見一種兇惡鬼兵將一切男女打入車中車轉時分出六條徑路上一層為金路車出投生的頭戴朝冠身穿朝服衣冠榮耀而出第二層為銀路

車出的盡是一種庸常男女衣帽不一第三層為玉路車出的皆是殘疾六根不全之人第四層為石路車出的皆是一種飛禽其類無數第五層為銅路車出的盡是一種走獸物類甚多第六層為木路車出的乃水中族類魚鱉蝦蟹物更繁多公主看罷又問閻君曰白雀寺五百餘僧被火焚身而死今各獄遊完何以未見王曰陽間男女為善身遭冤死即發在天地門修養那五百餘僧幸有奇緣時值公主修行火焚身亡上天將伊等歷劫冤孽一並消滅當時佛祖如來

降旨接引衆僧在天地門修養待候公主果圓功成同往極樂公主聞此情由曰善惡有報毫不差謬我今觀此獄苦魂盡心勸化一番使衆等知為善最樂作惡慘苦也

妙善奉命遊地獄○觀看地獄各分途○善惡到頭毫不漏  
富貴貧賤由人修○天堂地獄隨人走○只爭善惡心性求  
十殿諸獄我盡度○思想刑苦淚雙流○行善歸陰神欽厚  
作惡難逃諸獄囚○富貴前劫修積有○今生受享樂悠悠  
借此加修了塵垢○訪求至人指丹邱○一貫大道孔門露

萬法歸一釋迦修。道言守一明說透。三教經典細綢繆。  
不可暴棄造孽垢。紅塵美景等浮漚。不怕金銀堆北斗。  
無常一到萬因休。只有功過隨性走。孽鏡臺前照心頭。  
善惡庄庄來現就。閻君鐵面情不畱。那時想修不能殼。  
悔煞當初入迷途。貧窮前劫昧善路。甘造罪過困苦流。  
今生又不尋善做。死後人身恐難周。莫說貧苦功無有。  
善門廣大在人修。或是遇人來爭鬪。低心苦勸解分憂。  
或是遇人走錯路。指明清白免返遊。或是遇着嫖賭友。  
勸他改心莫邪流。或勸戒殺把生救。積德行善美名畱。  
遇人行善勤幫湊。助人成美功德週。種種陰功隨便做。  
功深自然有出頭。存番陰德子孫受。自己轉生樂無憂。  
命終歸陰心無疚。地獄任我行擺遊。不怕牛頭馬面有。  
他見拱手要低頭。轉輪車上分六路。定人樂苦把生投。  
胎卵濕化是人做。生生化化轉無休。苦勸世人早惺透。  
戒殺放生把佛求。久久行持功圓就。跳出輪迴免憂愁。

觀音濟度本願真經上卷終

觀音真經

上卷

六八

觀音濟度本願真經下卷

○○○還陽山中伏虎第五

話說黃龍真人叫聲公主曰。地獄鬼魂已度。還陽去罷。公主曰。遵命。閻君將二真人金童玉女送於陰陽界。告辭分別。施禮送行不表。却說黃龍真人與金童玉女送公主還陽。行不多時。來之陰極山。松林之下。見公主屍首。卧虎巖之上。揭諦神。同本方土地。誠心看守。見二真人駕臨。叩頭迎接。黃龍真人叫聲公主曰。你可認得那形骸麼。公主曰。怎麼一個死屍。

在此黃龍真人曰。乃公主幻身也。公主聞之。進前着神觀看。黃龍真人一掌推去。公主魂魄依舊復體。還陽而轉。睜開兩眼。坐在石巖松林之下。不見黃龍真人。金童玉女舉目無親。口唸阿彌陀佛。不覺雙眼流淚。好不悽慘人也。黃龍真人曰。今公主還陽。待我變一貧婆。金童玉女亦化為俗子。勸他不必心慌。言時。太白金星來到。黃龍真人曰。金星此來恰好。請速變着一老者。同我等送妙善公主。往香山修行。金星曰。遵命。言畢。即刻元神化現。變着二老。搖搖擺擺。來至公主面前。口叫大姐。如何悲漣。莫非失路。一一明告。

妙善女回言答。雙淚滾下。尊一聲二老人。細聽根芽。我本是皇王女。不願出嫁。棄紅塵。要修行。思學釋迦。我父王將我貶花園受卡。我存心無二意。靠定菩薩。感動了燃燈佛。將我點化。傳授我無字經三藏法華。我父王他見我受苦不怕。又將我送白雀戴髮出家。三清殿至善地。一塵不罣。當執事。蒙菩薩暗裏幫拿。天降些禪機語。玄妙之話。父不明。而米意惱。怒氣加。

白雀寺用火焚人盡燒化。有菩薩來扶持把我救搭。父見我未燒死放心不下。復招我回皇宮苦勸逼壓。我既然得了道生死事大。豈肯去犯誓願墮落塵沙。我將那天性理把父勸化。誰知他富貴迷貪圖虛花。一霎時要斬我令人驚怕。監斬官領君命把我解押。舉鋼刀來斬我諸佛護駕。將斬我刀即斷回奏皇家。父聞奏心生疑將監官罵。受了賄有情弊不遵王法。即刻開把監官捆綁解下。可憐他受冤屈為我遭殺。頃刻時賜紅綾又傳令下。復絞死歸陰曹好不悲嗟。回西天見諸佛慈悲廣大。領佛旨遊地獄觀看刑法。十殿王引我遊刑拘驚怕。善惡報毫不爽件件無差。話說二老人齊曰你乃金枝玉葉之體。何必修行受此苦難。况爾是個女子在外行走許多不便。何處安身依我們勸送。爾回朝招親何等是好。你意可否。公主曰修行是為生死。講甚富貴之分。只要心真。有甚不便。老人曰你修行想長生不死。有菩薩庇佑我看你不修行。到還活得幾十年。今為長生。



現即死路也。公主嘆曰：真乃愚見，不明大道，不知富貴如花。轉眼即謝人活百歲，猶如夢兆，生死皆無了期。不思孔子云：朝聞道，夕死可矣。以此看來，只要得道，明覺生死之義，直超三界，躲脫輪迴，長享天福，不生不滅，是謂長生。豈色身不死之說？老子云：吾所以有大患，為吾有身；及吾無身，吾有何患？老人曰：時下人心刁頑，惡毒非常，恐遭其害。然佛法遠，而蠻法近也。公主曰：修行人九九之難，聽天安排。孔子曰：知者不惑，仁者不憂，勇者不懼。佛法雖遠，功成顯應，亦有定期。蠻法雖近，作惡滿盈，天律豈容？一真人私自嘆息曰：果真樹大根深，天性毫不昏昧。老人叫聲公主，你修行心真，決無退志，若不嫌路途之苦，我們老家有個香山古寺，却是婦女修行之所。我等現今歸家認祖，你可同我們去否？公主聞之，十分歡喜。答曰：承蒙二老者慈悲，指引安身之處，敢嫌路途遙遠，請教高名大姓。老人曰：我乃姓金，號長庚。那位婆婆是我家姐，這兩個孩子是我外孫，他兩姊妹生住香山，因他娘親接我歸家，不是他兩人意合心定，我也不得回去。公主曰：今我有

緣遇着好機會也。老人曰：且說且行。

今妙善稟二老聽我謝拜。有煩你慈悲心把我安排。但願得一路上清吉安泰。到彼地再叩拜扶助培栽。言罷時即起身不敢慢怠。我五人今同行機緣奇哉。行叙閒談家常心無罣碍。觀青山合綠水日月徘徊。正逢這暮春時花木可愛。翻一山過一嶺氣象展開。來至此明月寺駐足坐在。只聽得雞兔聲叫徹靈巖。進廟內空蕩蕩無人佈擺。因門外施主迷和尚又歪。

不明白修行路是非好歹。棄却了明月寺甘墮塵埃。滿山的仙桃果隨人所愛。食於口其中味實實難猜。一霎時人昏沉奇巧古怪。現出個小孩子哈哈笑來。問姓名他竟然揚却不睬。身騎着四不相靈物壽胎。他喫那諸菓子行走搖擺。惚然時食飽了睡卧塵埃。那婆婆進前去一聲驚駭。喚孩子睜開眼快快醒來。你睡此不惺覺恐遭禍害。靜中明樂中知無患無災。叮嚀畢叫公主速行莫捱。路不行不能到怎知安排。

三公主聞此言急行不懈。行不覺兩足疼神氣敗衰。足又疼體又倦心燥無奈。叫一聲老人家暫且停來。二老者依法行聽從鋪擺。囑金翁與令姐兩路分開。言畢時不多以風雨下界。橫身衣盡打濕好不悲哀。前無店後無鋪飲食難買。腹中饑身中冷時刻難捱。我今日為修行消解孽債。可嘆這二老人亦受此災。我本當勸化他指示皈戒。又怕他迷不惺不悟本來。若肯信得大道修出苦海。不投生不下界逍遙蓬萊。

二老人假報怨天理不在。天不佑行善人阻隔賢才。三公主啟二老寬心忍耐。人有善天有報不得虛埋。陰極陽苦盡甜天理主宰。為聖賢成仙佛苦其形骸。孔聖人在陳蔡絕糧遭害。公冶長曾受過縲紲之災。周文王囚羨里苦愁無奈。先知覺天數定隱忍心懷。古聖賢順天理守德不敗。任千磨與萬難不糾不歪。釋迦佛為修行節節支解。成道時割下頭位證如來。太白星見公主言語耿介。遣一隻神虎到考他心才。

恍惚間虎現形頭搖尾擺○太白星與黃龍假悲假哀○  
三公主見虎現心思意揣○叫二老有我在放開心懷○  
喝山君休橫行聽我告誡○你前劫因造孽墮入畜胎○  
我三人那一個與你有債○你今世來闖着食也應該○  
要食人將我食却亦無碍○他二老有後人不可傷哀○  
太白星見公主慈心爽快○三千功八百果從此滿懷○  
老黃龍上前去將虎來帶○叫公主騎上虎好把頭抬○  
那神虎心性靈任其調擺○往香山非此物難上山巖○

三公主乘着虎心安體泰○一陣風恍惚間忘却形骸○

頃刻間到香山瑞氣靄靄○仙佛的元妙法神鬼難猜○

○○○香山溫養聖胎第六

話說黃龍真人與太白星君將三公主送至香山。二老曰。公  
主。此即香山。公主聞之。舉目一觀。果然是個仙佛之境。不勝  
歡喜。二老人曰。公主在此。我等即此告別。公主問曰。尊駕府  
居。諒必離此不遠。二老朝西指日。那方就是。公主望之。四人  
頃刻不見形影。只見虛空中。弔下一張箋帖。有偈語為証曰。

先天黃龍後天金星。一陰一陽會合成真。妙善公主五人同心。伏虎載送。性原歸根。少女開放。育養聖嬰。九載面壁。自在觀音。超度父母。普救衆生。靈山有會。知我聲名。公主觀畢。知是神人。朝西叩謝。黃龍真人。同金星回命。繳旨不表。却說公主稍坐片刻。起身來至廟內。頭殿供的四大金剛。中間供的布袋祖師。耳聽木魚聲響。行於後殿。觀看乃是誦金剛經的。公主曰。待我坐在一傍靜聽。課誦畢。有當家師觀見一個女居士坐在一傍。相貌不凡。公主起身。叫聲道長請了。當家問曰。這位善人。家住那裏。高姓大名。公主曰。道長問我家住姓名。聽我道來。

道長問我名和姓。家住何方那裏人。說起家鄉家亦遠。詢我姓氏却有名。父王興林為國主。母后正宮掌印人。生我姊妹人三個。妙音妙元公主身。我乃第三名妙善。自幼看破苦紅塵。不愛榮華富與貴。不愛口腹傷生靈。不愛綾羅與錦繡。不愛使喚綵女們。不愛勢利逞刁輩。不愛一切虛假情。一心只想脩大道。逃出生死地獄門。

說起脩行這段事。表出天地亦寒心。父王榮華迷本性  
得受人爵昧天真。只圖眼前榮且耀。不思輪迴死與生  
他不回頭將我阻。要我招親莫脩行。我靜生明他迷暗  
千謀百計阻我身。把我貶在花園裏。要我挑水把花蔭  
倘若花木有傷損。性命難保活不成。我心只想脩行路  
不畏勞苦這身形。多蒙諸神暗扶助。花開茂盛葉蔥菁  
有勞祖師來指點。傳我玄關無字經。暗命太監來打聽  
見我毫無退悔心。設計又送白雀寺。商量苦事要我行

累劫孽冤難以解。借此凡體消孽根。天降法語把父度  
不明禪機發怒嗔。點兵圍着白雀寺。放火烧死衆尼僧  
五百餘僧盡燒死。寺院佛相化灰塵。我蒙菩薩來保佑  
暗中救我命得生。父王不明神顯應。反疑說我似妖精  
可嘆富貴迷人網。有權不仁造罪坑。又復招我回宮去  
總總要逼我招親。我把道理呈表奏。只望勸父同脩行  
父王不解元中理。一時將我問斬刑。誰知菩薩暗來勸  
鋼刀斷得幾節零。可憐監官遭冤死。又傳一令絞我身

紅綾將我來絞死。○回到西天見世尊。○瑤池金母傳法旨。  
黃龍引我地府行。○十殿地獄都遊盡。○觀看善惡甚分明。  
善者登天金童接。○惡人六道轉迴輪。○觀看地獄受苦者。  
無有一個是善人。○或是不忠與不孝。○或是奸貪把人坑。  
或是為人心不善。○或是恃強害好人。○或是為官心毒惡。  
貪財冤屈害黎民。○或是逼人開齋戒。○或是誹謗聖賢經。  
或是貪懶為盜賊。○或是放火燒山林。○或是殺生為藝業。  
或是手藝自欺心。○或是假貨將人哄。○或是害人把命傾。  
種種罪過陰律定。○命終歸陰始報清。○行善歸陰閻君敬。  
對談功果喜笑盈。○不論富貴貧與賤。○善者昇天惡沉淪。  
轉輪車上分六道。○福善禍淫各有因。○胎卵濕化皆人轉。  
惡貫滿盈失人形。○富貴榮華由脩積。○依善定祿享萬困。  
地獄冤魂我盡度。○黃龍送我得還魂。○又蒙佛祖來點化。  
指引香山這路程。○一路行程苦難表。○饑餓冷熱實傷心。  
渾身走得痛難忍。○有勞佛祖發慈仁。○遣動神虎來試我。  
我秉心誠毫不驚。○見我不懼哈哈笑。○叫虎載我香山行。

一陣松風虎騰起。頃刻即到寶山林。將我送此就不見。虛中弔下箋帖文。此乃是吾真情話。並無一句虛假情。請問道長尊名姓。家住何方方法號名。話說當家師曰。我乃姓周。法名全功。本處人氏。自幼看破紅塵之苦。善惡轉報。立誓出家。在此脩行。今聞公主之言。學道好不苦也。吩咐徒弟。快擺菓品。款待善人。二人分賓主坐下。自叙自嘆。

周全功將公主仔細觀看。昨夜晚得一夢。希奇顯然。恍惚間萬道的毫光閃閃。現出個女菩薩相貌威嚴。左金童右玉女兩傍立站。現一塊金匾牌字字正端。上寫着古慈航奉旨道辦。功成時證南海觀音名傳。稱大慈稱大悲救苦救難。三期至領佛旨又下塵凡。西乾地十八易彌陀結伴。號還虛闡大道一貫顯傳。觀菩薩好威儀慈悲面善。他叫我早悟覺快上慈船。叮嚀我立功果不可怠慢。認真他金容貌跳出塵寰。今觀這三公主修行能幹。他相貌就似那菩薩面顏。



尊一聲三公主聽我分辯。○就在我小庵中安養清閒。○或誦經或禮懺聽從你便。○前後殿任隨你散步遊頑。○每日裏參禪坐念佛修煉。○是我們修行人大大定盤。○話說三公主言道。多承美意。尊聲道長。今既出家。棄塵覓靜。所為何事。當家曰。出家修行。無非望超苦海。而昇天堂。公主曰。須明超苦海之法。登天堂之路。當家曰。誦經即是超苦海之法。念佛即是登天堂之路。公主哈哈笑曰。錯矣。三教經典。乃三教聖人。道成德備。透徹性理。以成人為心。教人為要。世

天機著書立說。使後世眾生。自省自悟。知經中道妙無窮。即訪求明師。解明生死來義。性命根蒂。以經為證。依法修煉。不墮旁門曲徑。始得超三界而脫輪迴。是教人信受奉行。非教人徒口頭唸誦。遂能超生了死。證佛成真也。金剛經云。若以色見我。以音聲求我。是人行邪道。不能見如來。明示經者。徑也。由經求道。證訪高人。指點那南無之所。阿彌陀佛作用。脩我三藐三菩提之道。煉後天而返先天。日就月將。養成舍利金剛。牟尼寶珠。陰盡陽純。脫離苦海。超昇天堂。方可不生。

不滅。今觀你等。只知依經讀誦。不知受持。雖誠心叩拜。感格神明。亦僅可消解孽冤。求來生洪福耳。我有真經文一篇。為你等道來。

如是我聞。佛即心。○人心道心要分明。○世人只知人心諦不明。道心何方存。○我把心印來泄出。○聽我說段真經文。三教聖經各隱義。○章章藏道引衆生。○無奈世人不窮理。只圖口誦望超昇。○誦經若能了生死。○古佛當初唵何文。三聖道成於天上。○法遺人間度衆生。○骨髓真經無一字。

同教心傳悟本真。○開口神氣皆耗散。○三品妙藥神氣精。不明生來死去路。○盲脩瞎煉枉費神。○無縫塔前真自在。行深般若分濁清。○波羅密多性返本。○時候恍惚冬至臨。性復乾初居其所。○衆星朝拱向北辰。○虎歸龍穴汞鉛合。四相齊飛掃三心。○恍兮惚兮玄中妙。○杳兮冥兮龜蛇烹。允執厥中三昧定。○無人無我無壽生。○牛郎織女鵲橋會。九曲黃河水自清。○靈明地上松風舞。○出玄入牝性歸根。牟尼寶珠能煉就。○羣陰撥盡體自清。○有朝一日功行滿。

脫却凡體證金身○毫光閃閃如來現○超出三界見世尊  
足踏八寶蓮花座○逍遙極樂永長生○脩道明得其中義  
纔是靈山貼骨親○真經元妙可惺否○仔細推詳理最深  
話說當家師曰○聞聽公主句句法語字字元妙○弟子有緣幸  
遇公主求乞慈悲指示大道○有日功成萬劫不忘○公主曰你  
既求我大道請備供菓炳燭焚香立誓申文奏明我  
佛如來方可指點於爾也

周氏聞聽心喜笑○備辦供菓不辭勞○不多時候盡辦到

敬啟公主把佛朝○公主觀看色色到○十分歡喜在眉梢  
誠心默誦佛旨告○驚動三曹鬼哭嚎○護法諸神來掛號  
先天大道不輕交○問口便把全功叫○自立洪誓心堅牢  
周氏即刻來跪倒○敬稟天地人三曹○弟子脩行依大道  
不敢冒犯佛規條○我若返悔違聖教○萬劫沉淪不生超  
公主見伊立愿了○叫聲全德聽根苗○先天大道自古少  
朝聞夕死登天曹○勸爾積德為緊要○歷劫冤孽方解消  
大道一得防磨考○無智無得怕蹊蹠○好夕一心把佛靠

千磨百難莫棄拋。○吉凶諸神暗護保。○九九災滿脫塵囂。  
指你南無這一竅。○四時行焉在此交。○消長剛柔要知曉。  
陰陽配合須純調。○存無守有北海造。○心猿意馬莫動搖。  
克己復禮萬緣掃。○撥陰取陽採藥苗。○汞去投鉛候真杳。  
鉛來歸汞二五交。○要知藥物不嫩老。○鉛遇癸生心要牢。  
果然恍惚杳冥到。○雷鳴空中下雨毛。○天理流行元中妙。  
三花聚鼎五氣朝。○衣鉢收於本位抱。○八寶金光透九霄。  
嬰兒姹女黃房笑。○產個聖胎赴蟠桃。○一日功滿丹書詔。

脫却凡體步靈霄。○九祖先亡都榮耀。○西方極樂任逍遙。  
先天大道盡泄了。○不遇師指枉徒勞。○若還半途退大道。  
誓願昭彰罪不饒。○自己墮落事還小。○連累九祖哭陰曹。  
日後成道且不表。○下篇方知結前梢。○

○○○莊王惡滿上帝降旨冤魂尋報第七

話說妙善公主來至香山。每日焚真香。唸真經。勤脩苦煉。不  
覺九年。一切細情不表。却說時逢冬至佳節。玉皇大天尊。  
玄穹高上帝。駕登靈霄通明寶殿。三界十方諸天衆神大小。

神靈盡皆朝賀。三官大帝將三曹青紅二冊一一呈於玉案之上。上帝檢查觀覽，勅曰：福善禍淫，照律施行。內有太白金星出班奏曰：微臣奉命巡遊天下，惟興林國妙莊王姓婆伽名羅者，因妙善公主脩道，被伊絞死之後，伊心中惱怒，僧道阻隔，善良不體天地好生之德，縱惡滅善，請旨定奪。

上帝聞之，心中不悅，命三官清查莊王陽壽福祿，看是何如。三官即刻查核，奏曰：妙莊王陽壽福祿還有二紀，但伊有十惡難赦，不信善言，由己橫行，第一惡也；毀燒佛殿，欺神滅像。

第二惡也；苦刑阻隔善門，天理不遵，第三惡也；放火燒死五百餘僧，第四惡也；總理一國臣僚，忠奸不辨，黎民遭害，第五惡也；違悖聖教，理法不遵，第六惡也；善惡不分，曲直不辨，第七惡也；貪圖口腹，恣殺牲物，仁心盡忘，第八惡也；權柄交與奸貪之臣，第九惡也；風俗敗壞，不知整理，枉為國主，第十惡也。上帝聞奏大怒，吩咐即將伊的二紀陽壽福祿折除，即命三官勅令冥府鈎取莊王，命終歸陰，照律施行。命太白金星往天地門處，勅五百餘僧，每人將莊王身上種波羅瘡一

顛等伊爛死歸陰。依過定罪。決不寬恕。太白金星與三官大帝及諸天衆聖。三界十方大小神靈。齊叩謝恩而退。吩咐衆真奉命各方行爲。各稱其職。一切不表。且說太白金星奉詔往天地門去。宣傳五百餘僧。齊聽吩咐。

咱太白領玉詔。天地門去。歎人生在紅塵。莫把心欺。舉法眼觀莊王頭。頂黑氣。光昏暗陰。殺恁心糊如漆。得人爵不脩善。天爵甘棄。不思索三教言善為第一。妙莊王你本是西天佛子。佛命爾下東土。度惺癡愚。

來興林身為着一國之主。為甚的迷本性。不知脩積。慈航佛來脫化。為你三女。自幼時性不迷。勸你皈依。談的是性天道三教正理。爾不信。反誹謗異端怪奇。全不思這紅塵苦海之地。全不想善惡報天地無私。全不明這洪福累劫脩集。全不思那六畜冤孽墮之。全不懼人百歲難免不死。全不怕造罪過地獄難棲。全不畏失人身六畜苦趣。仗權勢造孽冤真果愚癡。吾今日奉上帝勅令玉旨。叫尼僧來尋報命在懸絲。

歸陰曹不怕你一國之主。十殿王鐵筆判照律行施。那時節想懺悔不由於你。過十殿受刑法悔爛心思。罪受滿轉輪車六道分理。失却了本來面好不慘淒。一霎時來至在天地門去。眾神靈見金星各把禮施。老金星開言道眾神免禮。傳白雀眾尼僧聽吾言辭。眾僧人齊來跪聽其吩咐。金星言眾平身兩傍站立。吾來此喚爾等却無別事。因莊王惡貫滿報應到期。上帝命爾等各報冤氣。領毒藥報冤讎任爾為持。眾僧人聞報讎咬牙恨齒。一個個就起身哈哈大笑。頃刻間來皇宮諸神接旨。有司命遵王詔不敢推辭。引眾僧見莊王龍床睡起。眾僧們一見了斗罵不息。齊向前將莊王一把扯住。打的打咬的咬拳打足踢。妙莊王嚇得個魂不復體。只喊叫饒我命封眾官職。眾罵道這昏君糊塗至極。將孽瘡種你身看爾消支。凡一切冤魂鬼盡來宮裏。問莊王來要命苦情難抵。話說金星回繳玉旨。一切不提。且說莊王見眾冤鬼嚇得胡

言亂語。只叫不好了。口吐白泡。兩眼橫視。滿宮人等。盡皆驚起。眾位娘娘。齊來問候。急用姜湯灌轉。莊王方纔醒來。眾人問曰。主上是那些不好。

莊王恍惚開口應。口言不好嚇壞人。朕這數日心不定。眼跳心驚不安寧。三更不點人將靜。惚然來了一羣僧。認得白雀寺長老。還有司命眾神靈。個個將孤來叫罵。不由分說亂橫行。將我一把來扭住。拳打足踢傷我身。心想逃脫不能够。遍身針攢苦痛情。你等齊看我身上。

遍身上下有血痕。心驚胆戰不好過。渾身四體似火焚。悔煞當初燒古廟。燒死僧人五百零。今日冤魂來尋我。想孤性命活不成。叫聲娘娘快許愿。哀告上天諸聖尊。保佑朕的冤孽脫。重修白雀興叢林。招令高僧和尚到。做齋超度眾冤魂。眾人觀看國王體。渾身火泡似魚鱗。國母許愿且不表。單講傳詔眾醫生。內宮領命不怠慢。醫官得令快如雲。霎時就至宮庭裏。觀看莊王病症形。先將脈探後看體。脈不合症甚費神。勉強且將藥方開。



着可對方病漸輕。頃刻就把藥辦到。內外調治毫不靈  
莊王只喊疼不過。日夜叫喚不安寧。吩咐醫官齊宣到  
快用藥方救寡人。眾位醫生將症看。都言此症無有名  
凡是藥書翻完了。個個把症認不清。滿朝文武慌張了  
宮中個個放悲聲。妙音妙元二公主。見父有病實憂心  
二位駙馬亦悲嘆。無不日夜悶沉沉。服藥搽藥越不好  
一身爛得臭難聞。一陣疼來痛花眼。白晝看見眾鬼魂  
胎那濕化遍身爵。個個要命發怒嗔。唧唧呱呱宮裏哭  
等我一同見閻君。這些冤讎齊發作。怎麼消解得清平  
千錯萬錯自己錯。不知福盡冤孽臨。早知果報這兇險  
應該修善戒殺生。思念三女所說話。至此句句盡是真  
吾今半百如春夢。結此冤孽怎脫身。左思右想無計定  
吩咐眾臣出榜文。招選天下名醫士。醫好寡人謝不輕  
十萬白銀為謝禮。官封三代受皇恩。羣臣領旨就寫榜  
不敢怠慢一時辰。一時將榜來掛出。但看何人揭榜文  
其中細情難表叙。且聽下章說分明。

○○○妙善公主元神顯化揭榜救父第八  
話說妙音妙元二位公主見父王病體沉重服藥不效如何  
是好二人商議花園焚香祝告天地與父王懺悔前過纔是  
道理即吩咐梅香春花安排香案於觀花亭上伺候梅香春  
花齊曰領命

妙音妙元商量定○沐浴身體換衣襟○虔誠恭敬心不二  
梅香春花引路行○將身來至花園內○攜手同行到花亭  
舉目觀看花園內○諸花盡謝樹凋零○春夏花木多美景  
秋來蕭條難賞心○今值殘冬霜雪至○萬物凋零改變形  
松柏青翠四時茂○花木雖美怕雪臨○看來花美暫時節  
難比松柏永長青○談叙已畢焚香拜○祝告虛空過往神  
姊妹朝拜無別事○為的父王病染身○滿朝醫生整不好  
十分疼痛不安寧○或是父王前有錯○錯燒廟宇害僧人  
前者三更得一夢○夢見眾僧盡來臨○個個喊叫要還命  
拖住亂打不容情○醒時口內說胡語○滿身起泡驚駭人  
哀告天地諸神聖○赦除父王這災星○從新修造白雀寺

做齋超度眾尼僧。二人許愿回程轉。驚動公主妙善身。  
慧眼遙觀興林國。怨炁冲天起黑雲。二位姐姐來許愿。  
為父得病申表文。此病不是風寒濕。冤孽尋報病纏身。  
不怕神仙靈丹藥。冤孽不改病難輕。父王此時我不救。  
冤魂纏死難超昇。我今迅速快救度。使父悟明善惡因。  
當時慈悲來顯化。性光一道出威音。隨心變化元中妙。  
霎時就到紫金城。雲中且將形容變。變作和尚救父親。  
身帶葫蘆數十個。走進前來看榜文。看罷皇榜哈哈笑。  
伸手揭榜驚眾人。看榜官兒忙扯住。叫聲和尚休胡行。  
莫將皇榜看容易。你有何能揭榜文。和尚開口哈哈笑。  
眾位老爺你且聽。貧僧普濟遍天下。依我藥方叫得靈。  
瞽目能整光明亮。啞子能整開聲音。文武官僚聞之喜。  
吾主今日有救星。即刻就把和尚帶。引進內宮見聖君。  
莊王龍床吟呻叫。口口只言疼死人。冤魂觀見公主到。  
諸鬼迴避盡藏身。莊王一時心清白。問是何人進宮庭。  
阿羅大夫叩奏道。今有和尚揭榜文。他言能整吾主病。

特來引見主公身。○莊王聞聽心大喜。○快傳見孤細問情。  
和尚即到龍床下。○口稱無相小貧僧。○莊王當時開言道。  
叫聲和尚你平身。○家住何方來到此。○妙手可能醫寡人。  
和尚開口來啟奏。○尊聲國主聽原音。○家住峨眉接引寺。  
施藥普濟救良民。○貧僧因見聖上。○榜。○大胆揭榜醫主身。  
莊王聽見心中悅。○孤王今日有救星。○你若醫得為王好。  
身享華榮受皇恩。○

話說和尚言道。貧僧以慈悲為心。救人為要。不在謝儀上說。

待貧僧觀看萬歲龍體。方好對症下藥。吩咐伺候。和尚觀罷。  
曰。啟稟主上。此病整好。不難。但藥方難辦。莊王曰。朕為一國  
之主。一切珠寶。都可辦得到的。和尚曰。諸物易辦。只有二味。  
要親人手眼。配薰丹藥。即刻見功。莊王曰。此是何症。要親人  
手眼配藥。和尚曰。乃陰毒症。名曰波羅瘡。須當齋戒。求乞天  
佑。立心培德。可以挽回天意。此乃主公心不慈仁。毀廟傷生。  
冤孽尋報。主上自心明白。莊王聽之。大著一驚。和尚真神人  
也。即刻就與娘娘言道。這和尚言寡人之病。要親人手眼配

藥急可痊愈。國母曰：親人手眼，只有妙音妙元，不知他二人可肯否。商議暫且不表。却說妙音公主為父王花園許愿，求神保佑，病退福生。聽聞和尚揭榜，諒必整好父王不難。特此進宮，不覺行之。龍床面前，口稱皇兒妙音，參叩父王金安貴恙如何。

妙莊王睡龍牀，疼痛難忍。叫皇兒且平身，細聽詳情。為父的得此疾，十分難整。眾醫官認不得症候之名。父只好出榜文，醫生招請。幸來了一和尚，可算高明。

他認得疾來由陰毒大症。但只是要親人手眼難尋。備辦了薰丹藥，即退病症。無此藥為父的性命難存。你若是救父王捨身，應允。父好了，即封你忠孝大仁。大公主聞此言，心中憂悶。不依從，違背了生身之恩。開言道對父王一告稟。有三從並四德，兒要體行。未出嫁，在家中從父教訓。今嫁出，從丈夫方不逆倫。別父王見母后將將坐定。大駙馬進宮庭，走如風雲。大公主見駙馬起身，接迎。先行個君臣禮，後談家情。

大公主對駙馬叙父瘡症。談叙間忍不住雙淚下傾。來一個遊方僧能整父病。要親人手與眼配藥丹薰。父要我捨身體我亦應允。捨手眼救父王忠孝美名。大駙馬聽此語搖頭不肯。叫公主休依從切莫亂行。大駙馬怕公主遵從父命。將公主來扯住挽手回程。即父王心不愛摘除職分。你同我回家去亦有華榮。你父王全無有愛子心性。自畏死教別人捨却身形。想你我乃前生姻緣修定。叫父王別主意另設調停。

大駙馬叫公主快走休論。怕父王來阻攔你我難行。大公主急忙忙就把轎進。拜父王休怪我無有孝心。話說大公主同趙魁駙馬回府叙論。一切不表。却說國母對莊王言道。妙音纔與駙馬商議。言手眼配藥。趙駙馬不肯。祈望萬歲恕他夫婦之罪。莊王聞之無奈如何。疼得時刻難度。急請和尚問曰。別人手眼可以用得否。和尚言道。非親生骨肉不能見功。談叙之間。二公主妙元同何鳳二駙馬進宮。莊王聽之十分心喜。諒必他肯捨身救我。不覺公主駙馬來至。

龍牀面前。口稱兒臣見駕。父王貴體何如。

莊王開口淚雙傾。口叫皇兒齊平身。為父得此孽冤病。時刻難過不安寧。一切醫官皆看過。越整越爛越深沉。無奈只得出皇榜。招選天下妙醫生。曾蒙天地有感應。來了一個出家人。他今揭了皇諭榜。可能醫父這災星。但要親人手與眼。配定藥物把丹昇。皇兒若肯捨手眼。大忠大孝萬古名。賜你黃金二十萬。江山日後付你身。公主低頭暗思想。駙馬當時把話明。天憑日月輪流轉。

人仗手目定乾坤。萬般藥物都能取。人去手目死得成。和尚莫非是妖怪。說出藥方不通情。我勸父王休要信。明明和尚來害人。生死原來却有定。手眼配藥醫長生。我今生長三十歲。纔聽這段希奇文。將手扯叫公主走。別却皇宮快回程。二人同行賞花殿。駙馬重囑苦叮嚀。公主開口回言答。尊聲駙馬聽元音。生身之恩何等重。我今豈學不孝人。父王要我捨身體。若不遵命番逆名。駙馬即時回言道。叫聲公主你且聽。你父生你人三個。

三妹修行受難星○不許他修苦磨考○用盡計謀絕親情  
將他謫貶花園內○要他擔水把花蔭○復又送之白雀寺  
不該放火把廟焚○五百餘僧盡燒死○廟宇佛像化灰塵  
三妹菩薩來保護○救他一人未傷身○父王就該回心轉  
又來壓逼要招親○不肯依從問斬罪○神明扶持顯威靈  
斬首就將鋼刀斷○父王全然不灰心○賜下紅綾又命絞  
虎負屍首無處尋○三妹苦苦磨死了○只有二女眼前存  
今日聽信和尚話○又要你們命歸陰○虎狼雖毒不喫兒  
可嘆父王好狠心○自己半百都畏死○你我青春不貪生  
古言人身實難得○六根全備原非輕○黃金乃是身外物  
江山不能買長生○三從四德你盡曉○難道違理逆五倫  
公主正在兩難處○來了國母掌印人○公主起身來叩拜  
叫聲母后我娘親○父王要兒捨手眼○應該當報生身恩  
怕的捨身整不好○況且駙馬不肯行○兒未出嫁從父命  
嫁出還要從夫君○勸父另立別主意○再用別方事可行  
駙馬吩咐人伺候○我與公主要回程○二人回府且不表



待候下篇結前因○

話說國母見妙元公主回府即與莊王言道。二公主妙元與何鳳駙馬曰。言手眼配藥不可輕信。須當另請高明醫生。不日進宮請安問候。伏望萬歲赦他違命之罪。莊王聞之。見二公主不肯捨此手眼。不覺兩眼泪下。就對和尚嘆道。是我當初錯了。

妙莊王思情由雙泪滾下。○想當初三公主言語不差。○不遭難穢不破世事真假。○臨難時就明白浮景虛華。○

嘆妻恩與子愛富貴瀟灑。○好比那春花景人人愛煞。○怕只怕霜雪至一概謝架。○惟松柏長青幽不懼雪壓。○一年間四季盛幽幽雅雅。○諸花木雖美茂不能比他。○想從前妙善女把我勸化。○他勸我棄紅塵修煉精華。○我只說為帝王根基浩大。○奉天命做國主隨我心發。○豈知道善惡事暗有神掛。○洪福盡惡貫滿孽冤攻伐。○前造孽不知覺心中不怕。○此時節冤賬到好不悲嗟。○睜開眼四體痛油煎心下。○閉着目眾冤魂打咬拖拉。○

身疼痛心戰兢無人救駕。這冤孽無人解實實無法。今蒙來這和尚慈悲廣大。要手眼配丹藥能救孤家。有妙音與妙元撫養婚嫁。叫他們捨手眼並不應答。不應承抽身回却也還罷。反言我信邪語存心有差。倘若命歸陰刑法拷打。眾冤魂來要命怎麼開發。細思索這冤家心驚胆怕。叫和尚湏慈悲替朕設法。話說妙善見二位姐姐不捨手眼。父王病體沉重。醒時四肢疼痛難忍。睡着一種冤魂要命。自知悔悟悲嘆不已。故儒云。

人之將死其言也善。鳥之將死其鳴也哀。諺云善惡到頭終有報。只爭來早與來遲。真格言也。父王刻下我不救度待等何時。乘此勸父皈依三寶。積德解冤。誠心懺悔。命人往香山取我手眼。病好香山還愿。我顯法像。度惺父王母后與二位姐姐成真。皆不難矣。

和尚即對莊王稟。尊聲國王聽來音。要僧救度亦容易。行善積功感天心。湏食長齋並長戒。速修廟宇興叢林。招請高僧並高道。超度一切眾冤魂。莊王聽之心歡喜。

尊聲和尚大善人。紅塵我今俱看破。榮華妻子是虛情。  
孽冤病苦誰來替。善惡昭彰自身承。冤孽要賬無貴賤。  
講甚國王富貴身。寡人情願修善道。願肯一國修庵林。  
即請高僧與高道。超度一切眾冤魂。只要病好冤孽脫。  
削髮為僧我都行。從此長齋守長戒。願捨江山棄紅塵。  
我若病好有退悔。永墮地獄不超昇。和尚聽之哈哈笑。  
改過行善福星臨。馬不臨巖足不退。人不遭難不慈心。  
只要國王來向善。依法行持保安寧。公主手眼盡不肯。  
命人香山辦來臨。那廟有個仙姑女。慈悲廣大救良民。  
婆心一片普濟世。捨身度人體天心。他的手眼可用得。  
配藥薰丹病即輕。莊王即刻傳口詔。快宣楊燕老大臣。  
時不多久楊燕到。三呼萬歲口稱臣。我主龍體可痊愈。  
眾臣個個擔憂心。莊王龍牀開金口。叫聲楊燕老愛卿。  
官卿進宮無別事。要你香山走一巡。廟中有個仙姑女。  
取他手眼救寡人。楊燕當時開言奏。尊聲吾主聽臣論。  
畜類尚且貪生路。誰肯捨身救別人。倘若此去伊不允。

豈不往返空勞神。和尚即便回言答。尊聲楊公放寬心。  
他是佛門大弟子。脫化東土救眾生。總要你心無二念。  
一路行往湏虔誠。如若手眼他不肯。我願斬首剜眼睛。  
楊杰聽得心放下。吩咐伺候急行程。一切備辦情不叙。  
領旨即刻出皇城。身騎龍駒白彪馬。行路好似風送雲。  
穿州過府且不表。一路風景難叙名。虔心誠意把路趕。  
日夜行程不畱停。行了二十四天整。望見香山瑞氣騰。  
恍惚來之山根下。樹木青秀可愛人。山高路險馬難走。

步行方可上山林。行之山頂細觀看。四圍寬廣心氣平。  
左有錦雞戲泉水。右有玉兔望日雲。猿猴盜菓聲音舞。  
虎卧靈巖不亂行。菓木花樹般般有。看來別似一乾坤。  
山中景象看不盡。急進大雄寶殿門。公主早已安排定。  
接迎欽差奉命人。楊杰沐浴把香進。秉燭就將真香焚。  
三跪九拜行大禮。即請當家申表文。楊杰舉目抬頭看。  
手眼現於香案存。楊杰一見心中喜。仔細觀看胆心驚。  
焚香已畢客堂坐。長老當時把話論。恭喜老爺救國主。

仙姑久等貴人臨○楊杰開言心胆顛○有勞仙姑發善心  
吾主若還病體好○龍駕親身酬謝恩○仙姑若還我見得  
等我回朝奏明君○長老答曰亦可見○隨我前來看分明  
楊杰來之丹房地○恍惚神散看不真○辭別即刻回程轉  
不敢怠慢一時辰○即此告辭就起馬○別却香山還帝京  
一路之上風霜苦○披星戴月勞身形○一連行了數十日  
望見帝都大皇城○莊王正與和尚嘆○談道論德講修因  
叙議之間楊杰到○進宮參駕見主君○莊王龍床闌言道  
叫聲愛卿你平身○錦繡花凳卿座下○一路風霜有勞神  
手眼可曾取到否○一一從頭奏寡人○楊杰謝座忙啟奏  
啟稟吾主聽原音○自從起馬日夜走○不敢停留半時辰  
二十四天纔行到○香山美景甚幽青○臣未到時仙姑曉  
寺裏安排接御文○山高車馬難上去○為臣步行到山林  
果然仙山神顯應○四肢輕爽似風輕○沐浴虔誠把香進  
手眼現於香案存○香焚已畢客堂座○長老對臣把話明  
伊言仙姑早吩咐○真真神仙有威靈○仙姑不過二十幾

臣見威儀非凡形。莊王聞知哈哈笑。有勞捨身大德仁。孤王只等病體好。親到寶山酬神恩。即刻請教大和尚。手眼已到怎麼行。和尚吩咐來取出。自有妙藥把丹昇。楊杰親手來呈上。和尚接之笑盈盈。太和殿中安鑪鼎。驚動五方揭諦神。呼吸先天元始炁。口念真言請神靈。勅令麻姑覓靈草。水府龍宮借寶珍。又勅土地陸壓請。借他慧劍掃冤魂。和尚即將形容變。化着三頭六臂身。南無阿彌來默運。衣鉢收放寶盡臨。麻姑送來靈芝草。

龍宮現出定海針。陸壓慧劍飛在手。三家寶物鼎鑪烹。煉至七七四九日。太和殿上瑞氣凝。開鑪折鼎將丹取。紫金丹砂毫光騰。勅符一道將神退。來見莊王把話論。先命服洗敗毒散。後將丹藥搽於身。莊王依法急調治。丹藥一搽四體輕。不到半月病痊愈。莊王自此得安寧。○○○駙馬公主勸開齋第九

話說二駙馬與妙元公主言道。父王之病。今已痊愈。預備上筵進宮。與父王賀喜請安。纔是道理。二公主答曰。甚好。二人

談叙之間。大駙馬與大公主來府。迎之內室。分賓主座下。二駙馬言曰。我今備筵進宮。與父王慶喜。請二位同賀。大駙馬曰。遵命。不多一時。筵已備齊。四人同行。來之皇宮內院。一齊參見莊王。口稱兒臣等。恭喜父王龍體痊愈。兒臣今備微筵。孝敬父王母后。望乞受納。莊王言道。為父前染孽病。十分沉重。冤魂纏擾。日夜不安。曾蒙無相法師。指惺迷途。勸父重修白雀寺院。設立齋醮。超度冤魂。自立洪誓。長齋長戒。持經念佛。究竟性命大事。不失本來面目。兒今所辦之筵。為父不用。

有勞費心。

有駙馬與公主聽父齋素。四個人。心悲切。兩泪交流。即刻的跪宮殿。把本啟奏。尊父王聽兒等說段情由。馬牛羊雞犬豕。乃人享受。戒除了這厚味精神。欠周。想父王為國主福祿生就。又何必食長素。棄儒佛。投。人生於天地間。正直無謬。食六畜。有甚麼鬼魂冤讎。前父王遭災星神。不舍守。血氣衰神恍惚。魂魄顛遊。此時好喫些葷補補腸肚。切不可信和尚戒除口祿。

妙莊王聽此言不喜不怒。○叫駙馬與公主忽遭愆尤。○  
嘆從前孤迷昧同爾所奏。○貪口腹食生靈任我調謀。○  
不明理謗佛道把善苦阻。○那時節任我行不見神糾。○  
豈知道上天爺慈悲大肚。○任人作任人造神暗記錄。○  
只等人福祿盡惡貫滿候。○神不佑冤魂來各要報讎。○  
所契的眾牲物遍身行走。○思想起心驚戰四體麻酥。○  
幸來了無相師德大慈厚。○指引我回頭路勤把善修。○  
造白雀興叢林消解罪垢。○做齋醮超冤魂除却罪尤。○

蒙香山仙姑女慈悲少有。○捨手眼配丹藥病纔痊瘳。○  
有五穀並六米是人享受。○報不完天地恩風雨綢繆。○  
這六畜雖供餐肥人腹口。○要有德超拔他隨爾口收。○  
若無功解他冤陰曹等候。○老閻君來判斷情面不畱。○  
你看那寫飼字食司合就。○古聖真始造字暗隱來由。○  
陽欠錢陰有簿還報亦有。○人與畜體雖異心性同流。○  
我勸爾早惺覺莫迷善路。○你休言儒釋道各分支頭。○  
言齋明與盛服修身儒著。○存其心養其性湏究根由。○



一篇言說得來無言回首。一個個心惺覺默記心頭。

〇〇〇香山還愿妙善公主勸父修道第十

話說二位駙馬與兩個公主聽此父王之言。善惡顯然不敢阻隔。二位公主心有向道之意。姊妹二人叙議一切不表。却說妙善公主自思嘆曰。今白雀寺院已曾修齊齋醮功畢。父王病體痊愈。不如告辭。免其泄露機關。當時奏明莊王。口稱貧僧。參見國主。告辭別往。莊王曰。法師救孤有功。封你為大慈大悲靈感救難法師。無相和尚曰。叩謝龍恩。莊王又曰。法

師不必別往。現今白雀寺修造齊美。亦可養靜。賜你黃金五千四百兩。珍珠一斗。和尚曰。貧僧曾奉我佛如來法旨。普濟眾生。豈可在此躲靜求安。但主公須當速往香山了愿。不可延遲。所賜金珠帶往香山脩整字殿。莊王曰。既是法師要去。孤王實實難捨。何日相會。和尚曰。主公回心向道。自有會期。莊王曰。法師在此實往。疑曰。再往不遲。和尚曰。光陰似箭。日月如梭。豈敢怠慢。自失功果。莊王曰。今法師駕行難留。吩示文武眾臣。排駕伺候。孤王於長亭與法師餞行。眾臣領命。

排駕長亭。莊王與法師並駕而行。不覺來至長亭。眾臣齊接聖駕。和尚曰。自此分別主公。我有一篇要言。叮囑主上。謹記於心。

無相長亭一本奏。○主公須當記心頭。○人生不覓修行路。好似無舵行船舟。○隨風波飄任他走。○飄去飄來不自由。吉凶憑他不能扭。○一概任隨他自遊。○怕的灘頭橫風鬪。一時沉淪墮水流。○主公幸今遇我度。○明却覺路上舵舟。心堅認定彼岸路。○香山還愿把道求。○找着性命知回首。鉛汞相投坎離抽。○擒着金烏捉玉兔。○出玄入北鍊丹爐。日就月將功成候。○跳出輪迴萬古秋。○不生不滅天爵授。三十三天任君遊。

話說無相法師言畢。分別莊王與文武眾臣。撒手就走。眾等齊曰。法師慢步而行。只見和尚行如風快。眾人談叙一切不表。却說莊王吩咐眾臣。寡人要往香山還愿。何臣保駕。當有趙震、楊杰、噍、但、南、噍、但、達。出班奏道。臣等願保主上往香山還愿。但不知那日起馬。莊王曰。明朝乃是黃道吉日。即可起

程莊王吩咐即回內宮。眾臣各歸府第備辦。暫且不表。到了次日。文武眾臣領了三千護衛大兵。午朝門外伺候。莊王與國母並駕而來。文武眾臣一齊叩接聖駕。莊王曰。眾卿平身。聽孤吩咐。眾臣齊曰。謝過主公。

妙莊王與娘娘龍車座上。○文共武兵合將站立兩旁。○  
呼爾等一個個聽孤言講。○一路上須虔誠切莫猖狂。○  
除酒葷全齋戒恭敬行往。○又不可踏青苗攪害善良。○  
想孤王座江山一國執掌。○這洪福亦算罷你們思量。○

都只為昧天性不聽勸講。○惱佛道阻修行心存傍徨。○  
三公主要修煉我苦阻擋。○燒白雀眾尼僧自壞心腸。○  
我只說做國主由我放蕩。○那曉得有罪過不知提防。○  
誰知那善惡報絲毫不爽。○洪福盡惡貫滿冤報難當。○  
犯了罪不怕你天子皇上。○眾冤魂來要命苦楚淒惶。○  
幸詔來無相師慈悲和尚。○他勸我改心田修培廟堂。○  
天赦宥改過人實言不謊。○做齋醮申表文哀告上蒼。○  
感動了香山寺仙姑現像。○捨手眼救孤家恩德難忘。○

立善功自懺悔消解冤賬。○今日裏孤纔能體健身康。○  
勸你等將善惡莫當虛誑。○朕今時顯報應可為憑章。○  
倘若是不遵命神靈鑒降。○招罪過顯立報勿怪孤王。○  
吩咐畢叫眾等催馬前往。○眾文武排鑾駕真果威光。○  
觀青山並綠水道送心爽。○各省官設香案迎接為王。○  
過邊地諸景致難叙難講。○一路上飄蕩蕩迤邐而行。○  
行數日清平安毫無阻擋。○望香山瑞炁騰異景非常。○  
一時間來山邊車馬難上。○下龍輦要步行手捧信香。○

將人馬札山下安營停當。○候為王還了愿保駕回鄉。○  
登仙地觀山景四方遙望。○滿山的花菓水十分清香。○  
來之到大雄殿觀觀氣象。○耳聽那羣鳥聲心意靜涼。○  
進佛殿申表文鐘鼓齊響。○轉之在後殿內細看端詳。○  
叫楊杰指寡人仙姑一望。○楊將軍引主公來至丹房。○  
用手兒撥開了公主禪帳。○只見那光灼灼亮亮堂堂。○  
莊王封添手眼慈悲法相。○尋聲音救苦難萬古名揚。○  
三公主口謝恩把法顯放。○生千手並千眼放大毫光。○

有國母觀公主回意思。想好似我三女兒面貌相樣。○  
妙莊王叫國母休得亂講。○此來是活佛地言莫荒唐。○  
國母言問仙姑生身地方。○父母姓講說出好把名彰。○  
二公主回言答從頭細講。○尊國王與國母靜聽端詳。○  
我家住興林國脫化生長。○自幼時棄紅塵立志脩藏。○  
父不許我脩行苦苦阻攔。○說起那苦情事兩泪汪汪。○  
在花園挑過水受過苦况。○白雀寺立苦功無限淒涼。○  
燒寺院蒙菩薩把我遮擋。○眾尼僧盡燒死真乃慘傷。○

又將我問斬罪繩索捆綁。○斬不死復令絞性還西方。○  
遊地獄看善惡冤魂超往。○我屍首神虎馱松林隱藏。○  
還陽來到香山安身修養。○見國王要手眼配藥醫瘡。○  
此乃是真情話决不虛誑。○我乳名教妙善母后父王。○  
國母聽之雙泪淋。○叫聲妙善好傷心。○母女自從分別後  
為娘刻刻痛傷情。○眼泪不知流多少。○為你欠成心氣疼  
只說母女不能會。○豈知香山又相親。○你修善道天保佑  
離別相逢有十春。○莊王見之心有愧。○叫聲皇兒真善人

我乃當初迷本性。昧却良知失良能。一來是我遭罪過。  
二來該你有難星。善惡顯報終有日。遲早不等各有因。  
我遭冤病是你救。至忠至孝菩薩心。我今改悔長齋戒。  
持經念佛學修行。公主當時回言道。叫聲父王母后聽。  
當日我講脩行事。父王聞之怒氣嗔。反說為兒是愚見。  
凡體焉能脩成真。我曾立願志不改。任生任死不退心。  
一誠感格佛指點。傳我先天骨髓經。九九災滿聖胎就。  
元神合體始成真。蓮花寶座金身現。諸神護法顯威靈。

父王今日想脩煉。可知精一大道門。允執厥中怎麼講。  
性復乾初怎樣行。心存何地性怎養。坎離怎交復乾坤。  
三教聖人著經典。字字隱義有妙音。學道不明此中理。  
食齋念佛脩來生。要想起出輪迴外。求師指點無字經。  
我勸父王與母后。同心脩煉棄紅塵。富貴榮華有定數。  
一念之差墮迴輪。二老早把大道向。我頂如來指真經。  
狐狸他亦尋修養。老蚌對光吸日魂。蝙蝠苦脩成正果。  
蝴蝶悟道出沉淪。龜納鼻息知煉炁。不遭人害壽長生。

鶴明養神長不死。鹿運尾闕固其精。諸般畜物明脩積。  
人道反不如物靈。只貪紅塵假名利。迷懵等待無常臨。  
那怕富貴齊天地。閻王票降萬事傾。靈前設擺諸祭禮。  
魂魄隨票見閻君。真性一去形色變。三五六天氣難聞。  
不禁酒葷做齋醮。惱怒閻君加罪深。兩旁一看盡惡鬼。  
一聲呼號胆戰兢。善者閻君賜坐位。對談功果叙脩因。  
轉生陽世受人爵。依功定位享華榮。若是有過無功者。  
閻君惱怒用非刑。富貴二字全不在。萬事皆休空手行。

惟有孽冤隨着性。閻君判報苦傷情。地獄刑法難得講。  
我若虛言罪不輕。莊王點頭是真語。我前遭過冤魂尋。  
回首即對娘娘道。我今在此隱脩行。國母開口哈哈笑。  
願同我主脩本真。莊王就對公主講。你母同我此脩行。  
我若得道有退悔。萬劫墮入地獄門。公主聞之心歡喜。  
叫聲父王母后聽。指此生死先天性。兩儀歸中貫虛靈。  
火逼金行龍戲虎。克己復禮盡歸仁。果然知耻即定靜。  
冬至來復雷有聲。存心分別濁清候。抽坎填離養性蘊。

乾坤定位萬物育。產個真人不覩聞。其大無外小無內。出玄入牝斯道門。一朝功果行滿了。脫却凡體證金身。自此超出三界外。得見如來佛世尊。行有雲車隨意爽。端坐金蓮永長生。公主法像顯大道。道傳已畢轉法輪。話說莊王言道。寡人今乃五十有餘。得此大道。纔明生死來由。故聖曰。道不遠人。人之為道而遠人。真果言不虛也。寡人將江山之事。付與大臣。嚙但達執掌。我即在此脩煉。文武眾臣。憑孤畫押。文武眾臣。遵命。惟楊肅趙震嚙但喃等。不肯畫

押。莊王曰。文武俱已畫押。三卿不肯畫押。諒必心中不服。楊肅趙震嚙但喃。上前叩頭。齊奏曰。非是臣等不畫其押。但累劫以來。未能超出迴輪。今幸遇此大道。不願為官。情願同主公脩煉。望主公開恩。准我等脩行。一旦功成。萬劫不忘。莊王龍顏大喜曰。你等既知回頭奔岸。同孤脩道。孤亦喜之不勝也。莊王隨與眾臣在香山脩持。及皇家之事。一切不表。却說三公主自思。嘆曰。我父王母后。既已得道。在此修煉。但二位姐姐。心中亦有向道之意。不免前去度惺於他。同證妙果。豈



不是好。言畢之後。元神不覺頃刻來之興林國皇城。中舉曰。觀着。只見二位姐姐。花園觀花。談叙父王母后之事。三公主曰。待我變做化緣道姑。方好度他。一變二變。與俗同顏。口談足行。來至花園。叫聲二位善人。請了。貧道特來化緣。且說二位公主。一見道姑。喜笑相迎。曰。問聲出家人。既來在花園化緣。要化些甚麼。待我辦來。道姑曰。尊聲善人。聽我道來。不化東來不化西。只化公主早皈依。莫要迷昧紅塵裏。訪個長生不死機。富貴前生陰功積。今生享受隨心兮。

百歲光陰轉眼事。紅塵樂景有定期。富貴金銀北斗比。貴至天子福祿齊。百子千孫盡孝義。無常一到兩分離。老病死苦不能替。只有善惡隨性依。到了赫赫閻羅地。孽鏡臺前考端的。善者超往極樂地。惡者獄刑受慘悽。十殿閻君無私義。賞善罰惡鐵面皮。六道輪迴真苦趣。脫骨如山無了期。不如訪求明師指。超出乾坤返太虛。要學香山妙善女。不招駙馬得貫一。花園挑水明師遇。火焚白雀他不急。死心要把紅塵棄。任生任死脩靈虛。

將他綑綁法場去。○一心認道不改移。○絞死屍首虎馱去。  
神靈者守不敢欺。○真性接往西天地。○地獄觀看善惡跡。  
還陽香山脩妙諦。○功成盡孝整父疾。○行有金童並玉女。  
八寶蓮花把身棲。○你們依我善勸諭。○早往香山去脩持。  
話說二位公主言道聽你之話。乃是我三妹脩行情由。其中  
皆有來義。請問道姑。你家住何地。三公主曰。善人問家鄉。聽  
我道來。咱在無影山雙林樹下。頑猿猴飢獻菓。閒看日月歡。  
倦飲菩提酒。烏肝兔髓餐。縱然天地壞。我性却安然。公主若

肯學。跳上我蒲團。指你先天道。煉顆紫金丹。一朝功圓滿。同  
我回靈山。若還心不信。看我現雲端。現出我原相。二位姐姐  
觀勸你早悟覺。切莫把凡貪。父王與母后。脩煉在香山。倘你  
迷不惺。一墮恐難翻。妙善今功滿。顯化於人間。

○○○駙馬香山求道第十一

話說妙善顯化雲端。二位姐姐觀見法像。稱贊不盡。一切不  
表。却說二位公主轉之內室。向駙馬而言曰。我們適纔花園  
遊頑。我三妹妙善。他變着一個道姑。勸化我等脩行。談叙一

篇雲起空中。現出原像。左有金童。右站玉女。足踏蓮花。五色祥雲托着。真果威嚴。又叮嚀我們一番。言父王母后。今在香山脩行。駙馬哈哈笑曰。胡說胡說。二位公主齊曰。我們清清白白。一個好人。對你講真言正語。怎麼是胡說。還有這幾個綵女。看見眾綵女齊曰。是真是真。我們明明白白。看見駙馬曰。你看這綵女。都說起瘋話來了。三公主因為脩行法場絞死屍首。又被虎傷。至今十年有餘。夢都沒有報過。平白說他顯化成了神仙。怎麼不是鬼話。彼此爭論。一切不表。却說光

陰似箭。日月如梭。不覺數日。有探馬報道。言妙善公主在香山脩成神仙。前捨手眼。都出於他。主上與娘娘登山還愿。公主勸化。畱在香山脩行。龍位傳與噯咄。噯咄執掌兩個駙馬聽之。十分不爽。急對公主言道。父王怎麼做此糊塗之事。現在江山不要。香山脩行。是何故也。四人商議曰。你我速往香山勸父王回朝。纔是道理。一心辦備。次日起程。不必多論。到了次日。駙馬公主四人一齊同往香山而來。行了數日。已到香山。四人下車步行。上了山頂。觀見一座寺院。諒必父王母后

此廟脩行即進寺內。行至客堂。四人坐下。即問當家師。國王娘娘。今在何處。道姑曰。現在後殿。禪堂養靜。四人聞之。尋到禪堂。莊王娘娘一見駙馬公主。心中大喜。四人一齊跪下。莊王曰。兇等平身。賜坐。四人齊曰。兇等謝坐。莊王問曰。你四人。今來香山何事。二位駙馬就對莊王娘娘奏道。

兇四人來香山。有本奏道。尊父王湏赦兇冒奏罪條。想父王坐江山一國之靠。為甚麼把江山一旦盡拋。自古今立三教。佛道虛渺。空寂滅無實。落那些為高。

我儒門有孔子治世傳教。食酒肉講文理。有規有條。言三綱。談五常。明明大道。臣忠君子。盡孝樂享。逍遙。勸父王湏回朝。兇等駕保。文共武。每日裏齊把王朝。做神仙亦不過快樂為妙。為帝王享榮華。勝於天曹。妙莊王聽此言。哈哈大笑。叫駙馬與公主聽說根苗。想為王做國主。快樂榮耀。乃前生苦脩積。今生報消。你今言三教聖。各是各道。不明白性天道。誹謗罪招。孔聖人為儒門治世掌教。拜項橐傳一貫樂中換父。

五經書言三才人全不曉。逞才能作辭章就稱自高。夫言性與天道盡皆失了。棄根本究末務妄談逞刁。言寂滅與克己返本節要。不覩聞是何說人不推瞧。勸你等急惺覺休要胡鬧。求妙善指性命坎離投交。二駙馬聞此言希有節調。謝父王開迷鎖指兜身超。我本當同脩道葷難戒弔。嘆夫妻世俗情怎麼別拋。三公主坐禪床哈哈而笑。笑駙馬乃無志不算英豪。你今生受皇恩富貴顯耀。前不脩今怎能如此逍遙。

怕的是洪福盡闡君降票。所傷的眾冤魂怕難開交。你那曉百歲時如同夢兆。陽壽滿無常到不由步消。那怕你恩愛重亦要丟了。那怕你身富貴要往陰曹。陰陽界鬼門關查名掛號。不怕你哭斷腸也是難逃。孽鏡台定善惡將人來照。平生的所作事照出絲毫。不怕你利口辯依律還報。轉輪車分六道施行不饒。那時節想修行不能得到。若失却這人身叫苦悲嚎。得大道知性命脩煉三寶。明厥性始復初採取藥苗。

鉛投汞坎離交龍吟虎嘯。○定陰陽分子午翻動象爻。○  
煉成顆九曲珠長生不老。○功成滿脫形骸跨鶴九霄。○  
見如來朝上皇承授封誥。○瑤池宮見羣真受享蟠桃。○  
話說公主駙馬聽此法語大開茅塞如夢初醒。大駙馬向妹  
夫言曰。這段玄機世所難聞。我今立心脩煉。二駙馬曰。好漢  
同心是道則進。非道則退。於理果合聖經。見道不求。豈不得  
緣失緣。你我主意已定。但不知二位公主怎樣。二公主齊聲  
哈哈笑曰。我姊妹二人。以有脩行之意。因怕阻隔。遲至於今。

始償初志。既你二人回心向道。我們豈肯自棄乎。但父王三  
妹所談之道理深元微。不求口傳心授。從何下手。你我須當  
進前。跪求慈悲。開示我等。四人齊叩。向三公主曰。我等願求  
賢妹指示脩道下手。三公主曰。你們既求先天大道。須要備  
設供菓。憑佛立誓。方可傳授。大駙馬曰。既與孔子之道不二。  
如何要人立願哩。孔子當日周遊列國。教化三千徒眾。七十  
二賢。未聞教人發願。三公主曰。你等只知其一。不知其二。上  
天因下方眾生。心性不古。人倫大變。特命五老之一。脫化東

土教化愚頑。以三綱五常治度人心。後問禮於老聃。傳授心法。遂定五經。以繼往而開來。道隱易經。未敢輕泄。三千七十。得道者有幾也。子貢曰。夫子之文章。可得而聞也。夫子之言性與天道。不可得而聞也。駙馬曰。那時聖人如何隱而不傳。豈有私見耶。公主曰。非也。先天大道。非時不泄。非人不傳。要奉天命而傳。儒云。君子有三畏。畏天命。畏大人。畏聖人之言。小人不知天命而不畏也。駙馬曰。那時聖人未聞教人食齋。哩。公主曰。噯。聖人乃代天行化。效天法地。以天下為一家中。

國為一人。萬物為一體。由此言推之。皆無傷生之義。駙馬曰。自古聖人著書立說。就該叮嚀後世。定要戒殺。公主曰。書云。天子無故不殺牛。大夫無故不殺羊。士庶人無故不殺犬豕。其中亦寓戒殺之義。駙馬曰。祭天地古聖亦殺生祭之。天地古聖亦享受之人。何不可食也。公主曰。乾曰大生。坤曰廣生。天地位而萬物育。人資以養生。恩深浩大。碎身難報。故殺生以報答天地也。若聖人則聰明天直。其於人也。養繼以教。一切制度營為。有功於世人。日用德配天地。所以亦殺生而祭。

也。然天地聖人當即將生物而超度之。何曾享受而食之。不過取人之誠敬而已。駙馬曰。未聞聖人講脩煉之道。公主曰。儒書云。自天子以至於庶人。壹是皆以脩身為本。又曰。飯蔬食飲水。曲肱而枕之。樂亦在其中矣。即脩煉之道也。聖人亦將玄妙法則。一一備載。不遇至人指示。難以醒悟。四人得聞此言。皆無異心。誠心求領大道。

四人虔誠心性同。求教賢妹開愚朦。雙膝跪在佛殿上。立志脩道告蒼穹。我等得道有退悔。永隨地獄罪不容。

公主見眾發了願。叫聲眾等聽玄工。三皈五戒宜謹守。傳授先天悟性穹。點開玄關這一竅。收取精華採鴻濛。存雌守雄候定靜。恍惚杳冥地雷轟。兩儀會合太極體。萬殊歸一在執中。放彌六合性發理。卷退藏密妙無窮。水中生金火生木。五行顛倒性自隆。七寶佈施三昧定。半夜現出日頭紅。明心見性佛是我。太極始成無極中。明珠一粒來煉就。毫光萬道透虛空。行住坐卧觀自在。定南針上莫放鬆。待候功滿朝金闕。丹書來詔出樊籠。



九玄七祖齊超度。○方稱忠孝大英雄。○三十三天道遙樂  
不證西方赴華龍。○若還半塗生退志。○照警果報苦無窮  
此乃我佛心印法。○依法脩煉悟柏松。○  
話說公主傳道已畢。四人叩頭謝恩。十分歡喜。共坐談叙其  
中玄機。三教妙理。各歸丹房。男左女右。脩煉大道。四人各題  
讚一篇。

### 大駙馬曰

自幼讀書習五經。○講究詩詞與賦文。○身受皇恩享富貴

筆下生花始成名。○不遇師指這大道。○枉在人間走一巡  
生來死去全不曉。○醉生夢死轉廻輪。○自此纔明性命理  
厥性返本悟虛靈。○但願一日功成就。○靈丹大顯萬古存

### 二駙馬曰

自幼生時志氣高。○文韜武略逞英豪。○只講三綱五常道  
性命之學未深造。○今遇師指方纔曉。○明覺一貫陰陽交  
汞去投鉛把性找。○一元復始換卦爻。○樂在其中玄珠兆  
得此玄機萬有拋。○三關九竅悟開了。○煉個至寶赴蟠桃

妙音公主曰

三十餘年困紅塵。貪名圖利混光陰。多蒙三妹來勸惺。  
告明指我無字經。聞來採取先天炁。北海存留清濁分。  
要把赤龍來斬斷。水來濟火八寶凝。安爐立鼎鉛汞合。  
巽風鼓動悟長生。功滿脫殼朝三界。不生不滅證天京。  
妙元公主曰

花甲一半假快樂。好似孤舟走風波。幸遇賢妹引醒我。  
指示生死造化窩。無事禪床魏魏坐。陰中取陽日月合。  
待候冬至無人我。靈明客唱太平歌。牛郎織女齊聲賀。  
崑崙頂上轉黃河。金備外功純內果。超出紅塵證大羅。  
○○○丹書下詔道成受封第十二

話說駙馬公主在此脩行勤苦不怠。一切不表。且說三官大帝考校曹官。將慈航尊者功果一總錄奏我佛如來案前。佛祖慈悲從頭閱之。十分歡喜。今慈航願滿功成。頒下丹書。命三官接引。去往香山。勅慈航將四果仙人白雀火焚。遭冤身亡。及所度一切眾生功成者。一概領回靈山。依定功果受

字天爵。特此欽旨謹遵。三官接引齊曰。欽頌。佛旨。即辭我  
佛如來。出了大雄寶殿。往東而來。

三官接引領丹書。接引善人證菩提。雲車一駕快無比。  
別却靈山把西離。慧眼遙觀香山地。毫光閃灼照眼眉。  
拋却紅塵繁華境。學道此山身可棲。三官接引來商議。  
湏當顯化人難知。一時就將暴風起。掃除塵垢下釣絲。  
當時昏天黑了地。遣動豺狼虎豹力。凡夫嚇得叫悲苦。  
妙善公主認得的。恭敬虔誠行大禮。風吹帽落攪亂衣。

三官代宣如來旨。勅令妙善聽調之。此番爾功大無比。  
東土捨身化羣愚。四果仙人多虧你。不然墮落難歸西。  
五百餘僧幸遇汝。為你火燒受慘悽。周氏全功德可取。  
有緣得道同歸西。妙善謝恩開言叙。有勞諸真費心機。  
弟子脩道仗佛庇。凶中化吉皆不一。曾蒙佛祖慈悲攜。  
領眾回西登菩提。眾等虔誠無他意。各得性理四體舒。  
即時元神盡復體。慈航顯道笑嘻嘻。左有金童右玉女。  
手抱淨瓶楊柳枝。五色祥雲來托起。八寶金蓮把身棲。

叫眾回光將神聚。揚枝一洒蓮花出。個個騰空雲端內。  
霞光萬道徹太虛。無聲無息仗六體。足踏蓮花好威儀。  
行至天地門所去。善人先祖此脩積。眾神迎接且不叙。  
吩咐五百餘僧尼。吾今功成西天去。特帶爾等同歸西。  
五百餘僧盡跪啟。一概合掌念阿彌。菩薩摩頂授眾記。  
運動三昧把眾提。頃刻就到靈山地。觀見美景甚希奇。  
大雄寶殿霞光氣。金磚佈地珠寶齊。諸佛迎接都賀喜。  
待候三期定品級。

話說接引佛曰。來至靈山。叫聲妙善真人。與眾在此暫坐。待  
候我等奏明。如來接引你等朝見。公主曰。有勞慈駕。三官  
接引。一同行於大雄寶殿。叩奏我佛世尊。弟子奉命詔引  
妙善公主。領眾回西。現在殿外候旨傳見。世尊曰。傳伊等  
相見。接引佛曰。宣妙善真人。領眾上殿。公主曰。領命。叫眾等  
隨我上殿。眾等齊曰。遵命。公主哈哈嘆曰。自別寶殿後。東土  
架慈舟。堪想真個苦。度惺眾。回頭今日功行滿。又登古瀛洲。  
行至如來。八寶蓮台座前。口稱妙善。恭見我佛世尊。

如來佛曰。慈航尊者。爾下東土。度了多少人緣。妙善公主曰。弟子領命。往東土度化眾生。怎奈眾生迷失深坑。我德淺薄。不能度化。愚迷所度。慳者生我父母。大姐妙音。二姐妙元。大姐夫趙魁。二姐夫何鳳。周氏全功。及文武三臣。楊杰。趙震。唵。世尊。赦航之罪。

世尊曰。慈航尊者。此回功德不小。封爾

南無大慈大悲。尋聲救苦。廣大靈感。觀世音菩薩。

妙音封爾南無大智師利文殊菩薩。

妙元封爾南無大行能仁普賢菩薩。

妙莊王封爾南無大莊嚴善勝菩薩。

伯牙氏封爾南無大聖慈萬善菩薩。

楊杰。趙震。趙魁。何鳳。唵。世尊。暨其眾等。九玄七

祖。一並詔回極樂。同享勝福。待候三期之時。五熟蟠桃之際。

同諸佛下世立功。方定果位。眾等齊謝。佛恩而退。至此永

得逍遙。受用無窮矣。說是經已。山嶽藏烟。河海靜浪。天散雨

花。地湧金蓮。鸚歌鸞鳴。獅蟠象舞。龍女獻珠。金童合掌。一切

得道真姑仙眷皆大歡喜齊聲稱讚曰。

一部真經濟度行間洩盡先天常言俗語合真詮字字牟尼

顯現。

無上甚深妙義包羅萬典千篇遵依體貼細鑽研齊上瑤池  
闍苑。

觀音濟度本願真經下卷終

